

四庫全書

子部

欽定四庫全書

御定淵鑑類函卷一百二

設官部四十二

衛將軍 左右衛將軍 親衛并載  
左右衛官屬 親衛官屬附

中衛將軍並附

驍騎將軍 輔國將軍

左右武衛將軍

左右威衛將軍 領軍將軍

護軍將軍

衛將軍一

原杜氏通典曰漢文帝始用宋昌為衛將軍位亞三司  
其官屬附見大將軍後凡車騎驃騎衛三將軍皆金印

紫綬武冠絳朝服佩水蒼玉晉以陸協為衛將軍兼儀同三司加千兵百騎東晉以後尤為要重後魏初加大則次儀同三司孝文太和中制加大則位在太子太師上歷代多有唐無之

衛將軍二

增漢書曰文帝至渭橋羣臣奉天子法駕迎代邸皇帝即日夕入未央宮夜拜宋昌為衛將軍領南北軍又曰文帝三年遣灌嬰擊匈奴發中尉材官兵屬衛將軍

軍長安 晉書曰虞潭為衛將軍貌如不武內實堅明

### 衛將軍三

增學問優博

文雅有餘

三國吳志曰士燮為衛將軍領交趾太守耽翫春秋為之

注解陳國袁徽與尚書令荀或書曰交趾士府君既學問優博又達於從政保全一郡二十餘年雖竇融保河西蜀以加之冊府元龜曰宋劉毅為衛將軍往征盧循敗歸後宋高祖與安帝大宴於西池有詔賦詩毅詩云六國多雄士正始出風流毅自以武功不競故示文雅有餘也

綏懷遠近

應機

征討

晉書云羊祜為衛將軍時武帝將有滅吳之志以祜為都督荊州諸軍事祜率營兵出鎮南夏開設

庠序綏懷遠近甚得江漢之心與吳人開布大信降者欲去皆聽之又云謝安為侍中都督揚豫徐兗青五

州時苻堅強盛諸將敗退相繼安遣弟石及  
兄子元等應機征討所在克捷拜衛將軍

先登陷

陣 徵兵運糧

後周書云庾遜昌為衛將軍從太祖破  
寶泰復宏農戰沙苑昌皆先登陷陣

冊府元龜曰封子繪為衛將軍平陽太守時大軍討復  
東雍平紫壁及喬山紫谷絳蜀等子繪嘗以太守前驅  
慰勞徵兵運糧軍士無乏 降附馬隆 號勸羊祜  
晉書云馬隆為司馬督時涼州

刺史楊欣失羌戎之和欣為鹵所沒武帝以隆為武威  
太守假節宣威將軍隆到武威前後誅殺及降附者以  
萬計涼州遂平加授衛將軍 又云羊祜為衛將軍都  
督中外諸軍事及薨南州人聞祜喪莫不號慟吳守邊  
將士亦為之泣其 開門伏甲 背城死戰  
北齊書薛

仁德所感如此

開門伏甲

背城死戰

北齊書薛

魏衛將軍從神武戰沙苑退還晉州西魏儀同長孫子  
彥圓逼城下循義開門伏甲士以待之子彥不測虛實

於是遁去神武甚嘉之 又曰高季式仕魏為衛將軍  
元象中西寇大至高祖親率三軍以禦之陣於北邙師  
徒大敗所親部曲請季式奔梁季式曰吾兄弟受國厚  
恩與高王共定天下一旦傾危亡去不義若社稷顛覆  
當背城死戰安能偷生苟活

### 謀滅王敦

### 從破竇泰

晉書曰郗鑒為衛將軍都

督從駕諸軍事與明帝謀滅王敦又以鑒為尚書令領  
諸屯營平錢鳳等封高平侯 後周書曰庾遴昌為衛

將軍西魏文帝大統初進爵為公從破竇泰授車騎將軍

### 原宋昌領北軍

### 宣王

### 總西事

宋昌事見衛將軍二 魏志曰文帝以司馬宣  
王為撫軍大將軍征吳召宣王曰朕委卿蕭何

之任不亦可乎車駕還詔曰吾東撫軍當總西事吾西撫軍當總東事

### 增安世薦蘇武

### 全琮表陳熾

漢書曰張安世為衛將軍蘇武以故二  
千石與計謀立宣帝賜爵關內侯安世

欽定四庫全書

卷一百二

薦武明習故事奉使不辱命先帝以為遺言宣帝即時召武侍詔宦者署數進見復為右曹典屬國三國吳

志曰全琮為衛將軍陳熾少有志操能計算琮表稱熾任大將軍

費穆以擒將遷

楊津以守城加

北魏書曰費穆莊帝時爾朱榮入雒詔穆都督南征諸軍事生擒梁將曹義宗

以功遷衛將軍進封趙平郡開國公又云楊津為撫軍將軍出據靈邱賊帥鮮于修禮起博陵定州危急遂迴師還州戰斬賊帥除衛尉卿既而杜

姜維降治無

戴索琳破呼延晏

冊府元龜曰蜀姜維為衛將軍討定汶山平康夷又降治無戴等部

落假維節又破魏雍州刺史王經於洮西就遷為大將軍又曰索琳遷衛將軍及劉曜進逼王城以琳為都

督征東大將軍討之破曜日逐王呼延晏遂以功封上雒郡公

# 衛將軍四

增先驅後擊

後周書曰高琳為衛將軍從擒莫多婁貸文仍戰河橋琳先驅後擊勇冠諸將太祖

嘉之曰公即我之韓白也齊將東方老來寇琳禦之老直前趣琳琳擊之老中數創退謂其左右曰吾經陣多矣未見如此健兒

回戰急擊

北魏書曰賀拔岳孝莊時為衛將軍討万俟醜奴於渭南傍水

分置精騎隨地形便駱驛置之自將百餘騎隔水與賊相見岳漸前進先所置驛騎隨岳而集賊不測其多少至淺可濟岳便馳遁賊謂岳走乃輕騎追岳岳依橫岡伏兵以待之賊以路險不得進岳乃回戰急擊之賊退走擄獲三千人降步

原中軍總宿衛

晉起居注曰泰始元年置中軍

兵萬餘收其輜重

將軍總宿衛

衛軍掌兵衛

續漢書百官志曰衛尉將軍掌京師兵衛

增



行相州刺史

北魏書曰李神為衛將軍行相州刺史時葛榮兵充斥民多逃散神撫勞兵民小大

用命辭荊州都督又曰楊津為衛將軍孝莊永安初詔津為荊州都督津以前在中山陷寇

詰闕固辭

竟不之仕

左右衛將軍一

親衛并載 左右衛官屬

中衛將軍並附

原杜氏通典曰漢京師有南北軍掌理禁衛

南軍若今諸衛北軍

若今羽林等軍周勃馳入北軍是也

初有衛將軍

詳在本篇

魏末晉文王又置

中衛將軍武帝接受分中衛為左右衛將軍

以羊琇為左趙序為

右並置佐吏皆掌宿衛營兵銀章青綬武冠絳朝服佩

水蒼玉宋齊謂之二衛各領營兵每暮一人宿直後增

二衛儀從為九十人陳因之後魏永光初又增置左右

衛將軍各二人北齊二人分掌左右廂所主朱華閣以

外各武衛將軍二人貳之隋初左右衛大將軍各一人

將軍各二人又各統親衛煬帝改左右衛為左右翊衛

又加置親衛并領勳武三衛煬帝改三衛為三侍非翊衛府皆無三侍其所領軍士名為驃騎

唐復為

左右衛大將軍各一人

掌宮掖禁御  
督攝隊伍

將軍各二人

貳大將軍

事

長史各一人晉武帝置左右衛各有長史司馬東

晉省長史歷宋齊梁陳後魏北齊並同至隋左右衛各  
置長史一人唐因之 錄事參軍各一人東晉元帝初  
為鎮東大將軍置錄事參軍自後無間梁皇弟皇子府  
有錄事參軍各一人後魏二大公府及第一第二第三  
品將軍府及始蕃王二蕃王三蕃王府各有錄事參軍  
官北齊因之隋左右衛府各有錄事參軍一人唐因之  
倉曹參軍各二人東晉元帝為鎮東大將軍有倉曹  
參軍宋武帝相府亦置後魏與錄事參軍同置北齊因

之隋左右衛府各有倉曹參軍一人唐因之置二人

兵曹參軍各二人歷代皆與倉曹同置 騎曹參軍各

一人魏司馬景王為大將軍有騎兵宋武帝為相有騎

兵參軍隋左右衛府有騎兵參軍唐初因之其後改為

騎曹 曹曹參軍各一人東晉元帝為鎮東大將軍有

鎧曹參軍宋武帝為相亦有之齊有左右鎧曹各一人

隋左右衛府有鎧曹行參軍一人唐因之長安初改為

曹曹神龍初復為鎧曹開元初復為曹曹凡自十六衛

及東宮十率府錄事及兵倉騎曹等曹參軍通謂之衛  
佐並為美職漢魏以來諸將軍有長史以下官屬今諸  
衛所置蓋亦因其舊號考其職位則全校微矣其下諸  
衛官屬並同 左右親衛中郎將府中郎將之名秦漢

以來有之非今任也

別詳中郎將  
五官左右篇

今中郎將因隋每衛

各置開府一員以統之唐武德七年改開府中郎將親  
衛為一府勳衛翊衛各為一府中郎將各一人掌領校  
尉以下宿衛總判府事唐武德七年改親衛驃騎將軍

為之其勳翊二衛亦然左右郎將一人隋備身府置左  
右郎將唐因其名武德七年改親衛車騎將軍為之其  
勳翊二衛亦然掌二中郎將之職錄事參軍一人掌受  
府事兵曹參軍一人掌判府事校尉五人 增文獻通  
考曰宋有左右衛上將軍大將軍將軍中郎將郎將並  
為環衛官無定員皆命宗室為之亦為武臣之贈自大  
將軍以下又為武臣責降散官 續文獻通考曰遼南  
面有親衛有勳衛有翊衛而後有左右衛設官曰大將

軍曰上將軍曰將軍曰折衝都尉曰果毅都尉 金以

舊罕札明安為侍衛親軍立侍衛親軍司以統之其左

右衛將軍領於殿前都點檢 元多稱指揮使惟有鎮

殿者稱將軍 右衛隸樞密院秩正三品中統三年初

置武衛至元元年改為侍衛八年改為左右中三衛掌

宿衛屯從兼屯田國有大事則調度之定置都指揮使

三員正三品副都指揮使二員從三品僉事二員正四

品經歷二員從七品知事二員照磨二員從八品所屬





衛後衛職掌官秩並同右衛俱隸樞密院前衛所屬多  
門尉二平則門尉一員順承門尉一員後衛所屬少屯  
田千戶一所又有唐兀衛親軍都指揮使司貴赤衛親  
軍都指揮使司西域親軍都指揮使司宗仁蒙古侍衛  
親軍都指揮使司隆鎮衛親軍都指揮使司俱隸樞密  
院左翊蒙古侍衛親軍都指揮使司隸山東河北蒙古  
軍大都督府

左右衛將軍二

增神武執手

高祖同榻

北齊書曰劉豐為汾州刺史與諸將征討平定寇亂又從

神武破周文於河陰

豐功居多神武執其手嗟賞之入為左衛將軍

冊府元龜曰宋宗慤竟陵王誕據廣陵反慤表求赴討

平薛仁果力戰有功高祖手

躍馬繞城先驅破敵

冊府元龜曰宋宗慤竟陵王誕據廣陵反慤表求赴討乃行隸車騎大將軍沈慶之初誕誑其眾云宗慤助我

及慤至躍馬繞城呼曰我宗慤也事平入為左衛將軍又曰斛律光為左衛將軍從文宣出塞光先驅破敵

還除晉州刺史

使趙草守

與賀若合

梁書曰曹景宗為右衛將軍魏軍攻徐州

詔景宗援之頃邵陽洲立壘與魏城相去百餘步魏將楊大眼對橋北岸立城以通糧運每牧人過岸伐芻橐皆為大眼所掠景宗乃募勇敢士徑渡大眼城南築壘親自舉築大眼來攻景宗破之因得壘城使別將趙草

守之因謂為趙草城後周書曰宇文貴為右衛將軍  
時東魏賀若統以潁川來降東魏遣將堯雄趙育是雲  
寶率衆二萬攻潁川貴自雒陽率步騎二千救之東魏  
行臺任祥又率衆四萬攻潁川方與雄合諸將以彼衆  
我寡不可爭鋒貴曰古人多以寡制衆吾進與賀若  
合勢為計之上者遂入潁川與雄等合戰大破之

博諳舊典

啓求賦詩

南宋書曰劉湛為高祖相國參軍博諳前代舊典後為右衛將軍

軍梁書曰曹景宗為右衛將軍破魏軍振旅凱入帝  
於華光宴飲今沈約賦韻景宗不得韻啓求賦詩帝曰  
卿技能甚多何必止在一詩景宗醉求作不已詔令約  
賦韻詩韻已盡唯餘競病二字景宗便操筆斯須而成  
其辭曰去時兒女悲歸來笳鼓競借問行路人  
何如霍去病帝歎不已約及朝賢驚嗟竟日

不苦

衆多

毋輕敵小

梁書曰王珍國為左衛將軍魏任城王元澄寇鍾離高祖遣珍國因問討

賊方畧對曰臣嘗患魏衆少不苦其多高祖乃假節與衆軍同討焉

宋書曰

王景文太宗初即位為左衛將

軍時六軍戒嚴景文仗士三千人入六門諸將咸云珍小賊易於拾遺景文曰敵固無小蠱蜚有毒何可輕乎

## 隨攻安蜀

### 持節南康

陳書曰錢道戢為左衛將軍太建二年隨章昭達征蕭巖

攻安蜀城降之以功加散騎常侍仁威將軍

冊府元

龜曰裴忌高祖時為左衛將軍世祖天嘉初出為持節

南康

### 詔不肯奉

### 騎不得入

隋書曰來護兒為左翊衛大將軍遼東之役渡

河至卑奢城高麗舉國來戰護兒大破之將趨平壤高麗上表請降帝許之詔護兒旋師護兒集衆曰今高麗

困敝吾欲進兵徑趨平壤取其偽主獻捷而歸答表請行不肯奉詔諸將懼盡勸還方始奉詔敕唐書曰薛

訥為左衛大將軍元宗即位於新豐講武以訥為左軍節度時元帥與禮官得罪諸部領亦失序惟訥及解琬

之軍中不動令輕騎詔訥至軍門皆不得入禮畢帝甚加慰勞

元夜登高 通宵假

寐

隋書曰元冑為右衛大將軍高祖親顧益密嘗上元夜帝與近臣登高時冑下直帝令馳召之及冑見帝

謂曰公與外人登高未若就朕也賜宴極歡唐書曰李大亮為左衛大將軍兼領太子右衛率儀兼工部尚書身居三職宿衛兩宮每當宿直必通宵假寐太宗賞勞之

珍國乞留 護兒固

諫梁書曰王珍國為右衛將軍辭不拜又授徐州刺史固乞留京師復賜金帛珍國又固讓高祖敕荅曰昔田子泰固辭絹綬穀卿體國情深良在可嘉尋徵為護軍將軍隋書曰來護兒為右翊衛大將軍煬帝於鴈門為突厥所圍將選精騎潰圍而出護兒及樊子蓋並固諫乃止

褚淵入衛 元康馳

驛冊府元龜曰宋褚淵為中軍將軍桂陽王休範反淵與衛將軍袁粲入衛宮省鎮集衆心又曰北齊陳

元康為中軍將軍時王思政入潁城諸將攻之不能拔  
元康進計於丈襄曰公入輔朝政未有殊功今潁城將  
陷願乘之足以取大業丈襄令元康馳驛觀之復曰  
必可拔丈襄於是親征既至而克賞元康金百鎰

有松石間意

非田舍所吹

右衛將軍元龜曰宋蕭思話為

山北嶺中道有盤石清泉帝使於石上彈琴因賜銀鍾  
酒謂曰相賞有松石間意又曰梁張興世為雍州刺

史左衛將軍興世父仲子由興世致位給事中興世父  
將往襄陽愛鄉里不肯去嘗謂興世曰我雖田舍老翁  
樂聞鼓角汝可送一部行田時欲吹之興世素  
恭謹畏法譬之曰此是天子鼓角非田舍所吹

選精

銳擊賊

以驍果出城

隋書曰董純為右衛將軍彭城  
留守大業中彭城賊張大彪等

寇掠徐兗純討之初閉營不與戰賊屢挑不出以純為  
怯不設備純選精銳擊賊合戰於昌慮大破之  
冊府

元龜曰唐張瑾初仕隋世歷職顯貴煬帝被圍鴈門瑾以驍果出城擊賊一日九捷帝大悅拜右翊衛大將軍

何以殺壯士

我欲舉好人

冊府元龜曰梁王僧辯為左衛將軍討河東王

譽譽將周鐵虎有膂力僧辯於陣擒獲命烹之鐵虎呼曰侯景未滅何以殺壯士僧辯乃宥之及侯景西上鐵

虎從僧辯克任約獲宋子仙每戰有功

隋書曰薛世

雄性廉謹文帝嘗謂羣臣曰我欲舉好人

未知諸君識

否羣臣曰臣等何能測聖心帝曰我欲舉

善明無官

者薛世雄羣臣稱善於是拜右翊衛將軍

情道根如素士

冊府元龜曰南齊劉善明齊臺初建為右衛將軍辭疾不拜褚淵謂善明

曰高尚之事乃卿從來素意今朝廷方相委待詐得便學松喬耶善明曰我本無官情既逢知己所以戮力驅

馳今天地廓清朝廷濟濟鄙懷既申不敢昧於富貴矣

梁書曰馮道根為右衛將軍雖貴顯而性儉約所居

宅不修牆屋無器服侍衛入室則蕭然如素士之貧賤者當世服其清退武帝亦雅重之

曹真加

給事

杜弼為司軍

冊府元龜曰魏曹真為上軍大將軍都督中外諸軍事假節鉞與夏

侯尚等征蜀擊牛渚屯破之特拜中軍大將軍加給事中又曰杜齊杜弼以中軍大將軍為行臺慕容紹宗軍司文襄令陳政務之要弼請口陳曰天下大務莫過賞罰二端若二事得中自然盡美帝曰言雖不多於理甚要握

原文度共輔幼主

世瑜親侍至尊

晉書曰王坦之

手而別

字文度領左衛將軍又領本州大中正與謝安共輔幼主晉中興書曰劉超字世瑜為右衛將軍蘇峻作逆

偏遷天子世瑜親侍至尊

吳隱之居清顯

來護兒甚親重

晉書曰吳

隱之遷左衛將軍雖居清顯而祿賜俱領親族隋書曰來護兒煬帝即位遷右衛大將軍帝甚親重之



虞盾為明帝所昵

劉超為蘇峻不平

晉書曰虞盾轉右衛將軍與南

頓王宗俱為明帝所昵並典禁兵及帝不豫宗以陰謀發覺事連盾帝隱忍不問徙盾為宗正卿晉中興書曰劉超為左衛將軍時蘇峻逼遷天子超攀輦悲哀賊給馬不肯騎而悲哀慷慨峻聞之甚不平

### 左右衛將軍三

增真將軍也

唐書李大亮為左衛大將軍太宗謂大亮每行夜自當丙夜遣郎將中郎將行甲乙

丁戊等夜身先於人真將軍也

乃誠臣也

隋書曰來護兒為右翊衛大將軍伐遼會楊元感反

攻雒陽護兒聞之召裨將周法尚等議旋軍法尚等以無敕不從護兒曰雒陽被圍心腹之疾高麗逆命猶疥癬耳即日回軍令子宏及整馳驛奏聞帝見宏等悅曰汝父擅赴國難乃誠臣也

對南掖門

梁書曰楊公則為左衛將軍高祖義師至新林公則自越城移屯領軍府壘北樓與南掖門相對嘗登樓望戰城中遙見麾蓋縱神鋒弩射之矢貫胡牀左右皆失色公則曰幾中吾腳談笑如初

### 列東掖門

梁書曰楊公則為左衛將軍從高祖平建康城內出者或被剝奪公則親率麾下列陣東掖門衛送公卿士庶故出者多由

### 固讓不受

冊府元龜曰晉庾亮為左衛將軍時王敦舉兵亮與諸將

拒錢鳳及沈充之走吳興元帝又假亮節都督東征諸軍事追充事平封永昌縣開國公賜絹五千餘匹固讓不受

### 固辭不受

冊府元龜曰梁蔡道恭為右衛將軍時高祖舉義師於雍州道恭以功遷中領

軍固辭

### 李崇平氏功

北魏書曰李崇自孝文時為都督隴右諸軍事擊氏楊靈珍從

弟建軍於龍門破之靈珍走奔漢中孝文在南陽覽表大悅曰使朕無西顧之憂者李崇之功也以崇為都督

梁秦二州諸軍事孝明時累遷左衛將軍

虔瓘破賊功

冊府元龜曰唐郭虔瓘為右衛將軍

北軍都護元宗開元二年突厥默啜遣其子同俄特勒率衆寇北庭虔瓘擊敗之斬同俄於城下突厥女壻火

拔頡利發石阿失畢與同俄特勒同領兵同俄之死懼不敢歸遂與其妻歸降虔瓘以破賊功拜冠軍大將軍

行右驍衛大將軍封太原郡開國公

所得不可勝計

梁書曰曹景宗為右衛將軍武帝天

監五年魏軍攻徐州詔景宗攻破之生擒五萬餘人收其軍糧器械牲畜不可勝計

所獲不可

勝計

冊府元龜曰蘭欽為左衛將軍南征彝獠擒陳文徹所獲不可勝計大獻銅鼓累代所無

原

王濟領兵未欲轉之

山濤啓事曰右衛將軍王濟字武子誠亮有美才詔濟領禁兵不欲

使轉之

世雄廉正於是超拜

隋書曰薛世雄行軍破敵秋毫無犯帝曰世雄廉正

有古人風超  
拜右衛將軍

### 左右衛將軍四

原詩梁范雲贈沈左衛詩曰伊昔霑嘉惠出入承明宮  
游息萬年下經過九龍中越鳥憎北樹邊馬畏南風願  
言反魚脩津梁肯見通

增制孫逖授吳王祗左衛將軍等制曰左衛將軍吳王  
祗等國之近屬朝之多士或同班警衛有避於天倫或  
列位周行已淹於歲序各移官命用廣朝恩白居易

授李演左衛上將軍制曰王者法鉤陳設環列非勲勤之將信近之臣則何以久張爪牙轉置肘腋具官李演常從德宗皇帝南蒐於梁籍名功臣謂之定難洎出分戎律入拱宸居內外周旋不懈於位交戟之下周廬肅然今之轉遷示益親信移領左廣仍參夏卿夫八屯之警巡七萃之勤愔爾為其正盡得察之宜惜前勞無隳乃勛

左右驍騎將軍一

官屬與左右衛同  
後改左右驍騎將軍

原杜氏通典曰漢有驍騎將軍謂之雜號將軍武帝以

李廣為之後省後漢建武元年初改屯衛為驍騎魏置

為中軍晉領營兵兼統宿衛梁以來其任踰重天監六

年置左右驍騎領朱衣直閣並給儀從北齊州刺史昌

義之首為此職出則羽儀清道入則與二衛通直臨軒

則升殿夾侍改舊驍騎曰雲騎陳有左右驍騎及雲騎

陳韋翹為驍騎將軍素有名稱每  
大事恒令夾侍左右時人榮之永平二年詔云左右

驍騎宜通文武文官則用心腹武官則用功臣所給儀

從同太子二衛率後魏北齊並有驍騎將軍之職後周有左右驍騎率上士至隋開皇十八年置備身府煬帝即位改左右備身府為左右驍衛府所領軍士名曰豹騎其備身府又別置焉唐因隋置左右驍衛府龍朔二年去府字光宅元年改左右驍衛為左右武威神龍元年復舊大將軍各一人所掌與左右衛同將軍各二人以副之 增宋史職官志曰環衛官有左右驍衛上將軍大將軍將軍 續文獻通考曰遼南面有左右驍衛

寄六軍慈渥所覃實有優忝但語其事任殆同閑輩天  
旨既欲升其名位愚謂以侍中領驍騎望實清顯有殊  
納言上曰數常啟我為其鼻中惡今既以何穎王瑩還  
門下故有此迴換耳

左右驍騎將軍三

原出鴈門

出北塞

漢書曰李廣為驍騎將軍出鴈門擊匈奴匈奴兵多破廣軍生得廣

單于素聞廣賢令曰得李廣必生致之鹵騎得廣廣時傷置兩馬間絡而盛之卧行十餘里廣佯死睨其旁有一兒騎善馬暫騰而上兒馬因抱兒鞭馬南馳數十里得其餘軍匈奴騎數百追之廣行取兒弓射殺追騎以



故得脫 魏略曰任城威王彰字子文性勇而鬚黃行  
驍騎將軍出北塞為鹵寇所要彰獨與麾下數百騎突

圍王聞之曰我黃  
鬚兒竟大奇也

增賜寶鈿刀

賜金縷帶

冊府元  
龜曰唐

阿史那社尒為左驍衛大將軍貞觀十四年授行軍總  
管以平高昌諸人咸即受賞社尒以未奉詔旨秋毫無  
所取軍還太宗美其廉慎以高昌所得寶鈿刀并雜綵  
千段賜之 後周書曰侯莫陳順為驍衛將軍從太祖  
征討拜大都督西魏文帝東討順與太尉王盟等留鎮  
長安時趙青雀反盟等奉魏太子出次渭北魏文帝還  
執順手曰河橋之戰卿有殊  
功便解所服金鏤玉帶賜之

董純賜縑

史祥進位

隋書曰董純以功拜柱國進爵為郡公增邑千戶轉左  
驍衛將軍賜女妓十人縑五千匹 又曰史祥為左衛  
將軍進位上大將軍轉太僕卿祥從征吐谷渾率衆出  
間道擊鹵破之俘男女千餘口進位左光祿大夫拜左

欽定四庫全書

後漢書卷一百二

十七

驍衛

蘇定方遷

來護兒拜

冊府元龜曰唐蘇定方為行軍總管征賀魯擒

將軍

之以功遷左驍衛大將軍

又曰隋來護

別擊北山

兒煬帝初拜左驍衛大將軍帝甚重之

遣援西濟

又曰馮三寶為太子監門率別擊叛人劉拔真於北山破之又從平薛仁果遷驍衛

將軍後從柴紹擊吐谷渾於岷州前後擄男女數千口累封新興縣公又曰唐劉弘基為右驍衛大將軍高

祖武德二年五月王世充侵西濟州遣宏基援之

望勾都曼

命釋突通

又曰

唐蘇定方為左驍衛大將軍顯慶五年討思結闕俟斤都曼俘還東都法司請斬之定方請曰都曼之叛罪合誅戮臣欲生致闕廷與之有約今既面縛待罪望勾其餘命高宗曰朕屈法伸恩全卿信誓乃命宥之又云唐屈突通初仕隋大業中為左驍衛大將軍通將桑顯和降於劉文静遣副將竇琮等與顯和追之遂擒通送

於長安高祖謂曰何相見晚耶通泣曰通不能盡人臣之節力屈而至為本朝之辱以媿相見高祖曰隋室忠臣也命

### 都督七軍

### 經略四鎮

又曰魏曹仁都亭侯從平荊州以仁行征

南將軍留屯江寧拒吳衆退之三軍服其勇蘇伯田銀反以仁行驍騎將軍都督七軍討銀等破之又云唐郭虔瓘為左驍衛將軍兼北庭都護開元中以功拜冠軍大將軍行右驍衛大將軍進封太原郡開國公俄轉安西副大都護攝御史大夫四鎮經略安撫使

### 匈奴避李廣

志玄同亞夫

漢書曰李廣為驍騎將軍在此平郡匈奴號曰漢飛將軍避之數歲不入界唐書曰段志玄為左驍衛大將軍文德皇后之葬也志玄與宇文士及分統士馬出宿於彰武門太宗夜使宦官三至將軍處士及開營納使者志玄閉門不納曰軍門不可夜開使者曰此有手敕志玄曰夜中不辨真偽因停使者至曉太宗聞而歎曰

此真將軍也周亞夫何以加焉

原馬成備北邊

劉桓攻中山

後漢書曰

馬成字君遷拜楊武將軍屯常山以備北邊又代驍騎大將軍杜茂繕治障塞自西河至渭橋河上至安邑太原至井陘中山至鄴皆築堡壁起烽燧十里一候在事五六年帝以成勤勞徵還京師邊人多上書求請後遣成還屯東觀漢記曰光武以劉桓為驍騎將軍攻中山

### 左右驍騎將軍四

增為沃沮道總管

冊府元龜曰肅孝泰為左驍衛將軍高宗遣將征高麗孝泰為沃沮道總

管時孝泰軍於蛇水之上高麗蓋蘇文蓋兵擊之孝泰大敗或勸就劉伯英曹繼叔之營孝泰曰我事國家兩代過蒙恩遇高麗不滅吾必不還伯英等何必救我遂與其子一十三人皆死之

為弓月道

總管

冊府元龜曰唐契苾何力為右驍衛大將軍永徽二年弓月處密叛以何力為弓月道大總管討平

之擒其渠帥處密時健侯斤等以歸

不願先受榮爵

北魏書曰淳于誕宣武末伐蜀以誕

為驍騎將軍假冠軍將軍都督別部司馬領鄉導

不

統軍誕不願先受榮爵乃固讓實官止參戎號

以富貴自處

冊府元龜曰韓公武為大金吾將軍堅辭宿衛改右驍衛將軍性甚恭遜不以富貴

處自

## 左右驍騎將軍五

增制唐蘇頲授安金藏右驍衛將軍制曰具官安金藏

家本孝悌身全忠懇往在周朝困於酷吏共誣良善敢

謗太皇不任楚毒並加刑憲金藏乃自刺心肺見其誠  
節因而寤主實賴斯人則洪演納肝田光吞舌求之既  
往未足為喻眷言酬德自可超倫彰其貞固之美拜以  
誰何之任 錢珣授楊約左驍衛將軍并崔敬復左領  
軍衛將軍制曰國家之道文武相須故帶綬簪冠而處  
將軍之位者必得雄俊之材以對我卿大夫具官楊約  
智則好謀勇而知禮臨戎之用以律甚明具官崔敬復  
泣事多能理煩益辦舉其成效可以在庭俾就衛環式

昭獎勸使號令有嚴於宿衛謨明皆稱於職官副吾雄  
俊之求以濟相須之道

輔國將軍一

原杜氏通典曰後漢獻帝置輔國將軍以伏完為之

晉王濬平吳後拜輔國大將軍有司奏輔國依比未為  
達官不置司馬不給官騎詔依征鎮給五百大車增兵  
五百人為輔國營給親騎百人官騎十人置司馬 宋  
明帝泰始四年改為輔師將軍後廢帝昱元徽二年復

故 梁後魏後周隋並有之 唐輔國大將軍為武散

官 增晉書曰王導為輔國將軍導上牋曰今者臨郡  
不問賢愚輒有鼓蓋時有不得者或為恥辱導忝荷重  
任不能崇浚山海而開創亂源取紊彝典謹送鼓蓋之  
物請從導始庶令雅俗區別群望無憾 王隱晉書曰  
羊琇以輔國將軍開府儀同

輔國將軍二

增定興州

略晉川

隋書曰李雄周太祖時為輔國將軍從達奚武平漢中定興州又討



汾州寇錄前後功拜驃騎大將軍北魏書曰奚牧為輔國將軍畧地晉川獲慕容寶丹陽王買得及離石護

軍高秀和於平陶以軍功拜并州刺史賜爵任城公領千人遣百騎冊府元

龜曰晉

劉演為陽平太守琨將討勒以演領勇士千人行壯中郎將軍魏郡太守琨將討勒以演領勇士千人行壯中郎將

兖州刺史鎮廩丘斬王桑走趙固得衆七千人為勒所

攻演拒戰勒退元帝拜為都督後將軍假節又曰南

齊劉懷珍仕宋為輔國將軍偽長廣太守劉桃根領數

千人戍不其城懷珍引軍次泮水衆皆曰宜堅壁伺隙

懷珍曰今衆少糧單我懸彼固正宜簡精銳小輿殿

掩其不備爾遣王廣之將百騎襲陷其城

後單騎直入

梁書曰韋叡為輔國將軍討合肥初肥

水堰立使王懷靜築城守之魏攻陷懷

靜城乘勝至叡隄下軍監潘靈祐勸退還巢湖諸將請

走保三叉叡怒曰將軍死綏有前無却因令取繳扇麾

幢樹之隄下示無動志。睿素羸，每戰以版輿自載，督勵衆軍。迨班師去，賊近恐為所躡，睿遣輜重居前，身乘小輿殿後。魏人望之，不敢逼。全軍而還。南齊書曰：薛安都、世祖、孝建初，為輔國將軍、豫州刺史。魯爽反，安都追爽於小岷，見爽便躍馬大呼，直往刺之，應手而倒。爽號萬人敵。安都單騎直入斬之，而反時云：關羽之斬顏良，不是過也。

### 山圖見事

吳喜進才

南齊書曰：周山圖在宋為輔國將軍時，沈攸之

攻郢城，世祖令山圖量其勢。山圖曰：攸之性度險刻，無以結固。士心始頓，兵堅城之下，適所以為離散之漸耳。攸之既敗，平西將軍黃回凱歸。世祖謂山圖曰：周公前言可謂明於見事者矣。南齊書曰：吳喜為輔國將軍，劉休為其府錄事參軍，喜稱

率軍赴難

遣使告變

休才進之。明帝得在左右。南齊書曰：薛淵為輔國將軍，沈攸之之難，太祖入朝堂，淵率軍赴難。及太祖即位，加寧朔將軍。又曰：張敬兒

為輔國將軍沈攸之事起敬兒遣使告變太祖大喜進號鎮軍將軍

謝琰破堅 庾翼

設奇

冊府元龜曰晉謝琰為輔國將軍苻堅之役與從兄玄俱陷陣破堅以勲封望蔡公又曰晉庾翼

為輔國將軍假節及郗城失守石城被圍翼屢設奇兵潛致糧仗石城得全翼之勲也賜爵都亭侯 無

所誅戮

申以盟約

宋書曰劉劭為輔國司馬時豫州刺史殷琰叛以劭假輔國將軍討

之時琰將降先送山陽王休祐內人出城然後開門琰有疾以版自輿與諸將帥面縛請罪劭並撫宥無所誅戮自將帥以下財物貨貨皆還之 冊府元龜辛纂為輔國將軍荊州軍司以禦齊將曹義宗會孝明國喪或以對敵欲祕函問纂曰安危在人豈關是也遂發喪還入州城申以盟約 斷塞關隘 脩

立館宇

南齊書曰蕭景先為寧朔將軍時魏軍出淮泗景先斷塞關隘魏軍退進號輔國將軍 梁書

曰韋叡為輔國將軍所至頓舍  
脩立館宇藩籬牆壁皆應準繩

拔軍南奔表請北

伐宋書曰王元邈為輔國將軍幽州刺史青州刺史沈  
文秀反元邈欲向朝廷慮見掩襲乃詣文秀求安軍

頓文秀令頓城外元邈即立營壘至夜拔軍南奔起義  
比曉文秀追不復及明帝以為持節都督青州刺史將

軍如故南齊書曰劉善明為宋輔國將軍  
西海太守行青冀二州刺史至鎮表請北伐以火燒

艦以膏焚橋宋書曰垣護之為輔國將軍南郡王義  
宣反率大眾至梁山與王元謨相持護

之見賊舟艦累沓謂元謨曰今當以火平之即使隊主  
張談等燒賊艦風猛水急賊軍以此奔敗梁山平遷寧

朔將軍徐州刺史封益陽縣侯梁書曰韋叡為輔國  
將軍魏中山王元英先於邵陽洲兩岸為兩橋樹柵數

百步叢裝大艦使馮道根等為水軍值淮水暴長叡以  
小艦載草灌之以膏從而焚其橋風怒火盛敢死之士

拔柵斫橋道根等身  
自搏戰魏人大潰

連戰有功 屢戰克捷

宋書曰孟懷玉

為輔國將軍鎮丹陽府兵戍石頭盧循逼京邑懷玉於石頭南岸連戰有功為中軍諮議參軍循平封陽豐縣男南齊書曰劉懷慎為振威將軍從高祖拒盧循於石頭屢戰克捷加輔國將軍

原無忌乞

解任 謝琰拒氏賊

晉起居注曰輔國將軍何無忌表云名臣之資本無殊暨且臣之號

出於琰不謂非才可求 晉中興書曰謝琰字瓊父謝安以琰有軍國才用出為輔國將軍以精兵八千人拒氏破賊

增獲牛馬車乘 輸大象金銀

三國吳志曰陸遜為右護

有勲焉 軍鎮西將軍進封婁侯拜輔國將軍領荊州牧大帝使鄱陽太守周魴譎魏大司馬曹休休果舉衆入皖乃召遜假黃鉞為大都督逆休休既覺知恥見欺誘自恃兵馬精多遂交戰遜自為中部令朱桓全琮為左右翼二

道俱進果衝休伏兵因驅走之追亡逐北徑至夾石斬獲萬餘牛馬騾驢車乘萬輛軍資器械略盡休還疽發背死諸軍振旅過武昌大帝令左右以御蓋覆進出入殿門凡所賜遜皆御物上珍於時莫與為比遜既立大功大帝嘉遜功德欲殊顯之拜為上將軍冊府元龜曰宋杜慧度為交州刺史輔國將軍高祖永初元年率文武萬人南討林邑所殺過半前後被抄畧悉得還本林邑乞降輸生口大象金銀古貝等乃釋之原

王導賤送鼓蓋

羊祜開府儀同

王導事見輔國將軍一王隱晉書曰羊

祜以輔國將軍開府儀同

增呂僧珍為前鋒

張宏策督後部書梁

曰呂僧珍為輔國將軍步兵校尉從高祖平郢城進僧珍為前鋒既平建康城高祖命僧珍率所領先入清宮即日以本官帶南彭城太守遷給事黃門侍郎又曰張宏策為輔國將軍督後部軍事西臺建為步兵校尉

# 輔國將軍三

增討破豫州

宋書曰劉勔為寧朔將軍江州刺史晉安王子勛為逆四方響應豫州刺史殷琰反

叛徵勔還都假輔國將軍率眾討破琰除輔國將軍廣州刺史

平定荊州

南宋書曰吳喜假建

武將軍時太宗初即位四方反叛喜所至克捷遷步兵校衛封竟陵縣侯又遷輔國將軍平定荊州

秋

毫無犯

梁書曰張宏策為輔國將軍從高祖義師平建康宏策與呂僧珍先入清宮封檢府庫時城內

珍寶委積宏策申勒部曲秋毫無犯

師無私犯

冊府元龜曰前秦王猛為輔國將軍率諸軍討

慕容暉軍禁嚴明師無私犯猛未至鄴劫盜公行及猛之至遠近帖然燕人安之

慧景援司

州南齊書曰崔慧景為輔國將軍南郡內史太祖建元元年元魏南侵豫章王遣慧景率三千人頓方城為

司州

王茂拒司州

梁書曰王茂為寧朔將軍江夏內史宋順帝時魏軍圍司州茂從高

祖拒之大破魏將軍

敬宣破桓歆

冊府元龜曰宋劉敬宣初自晉安帝

元興中為輔國將軍既破桓歆還建威將軍江州刺史敬宣固辭言於高祖曰警恥既雪四海清蕩所願反身草澤以終餘年恩遇不遺遂復僂俛且盤龍無忌猶未遇寵賢如二弟位任尚卑一朝先之必貽朝野之責不許

長民破桓歆

又曰晉諸葛長民為揚武將軍討桓元以功拜輔國將軍又與劉敬宣破

桓歆於芍陂

追論破軍功

又曰劉榮祖與朱超石大破魏軍於平城又攻劉度

壘克之高祖大享戰士謂榮祖曰卿以寡克衆攻無堅城雖古名將何以過此轉為太尉中兵參軍加建威將軍後轉右軍將軍時居父艱起為輔國將軍追論平城之功賜爵都鄉侯

追論討休之功



南宋書曰虞邱進討司馬休之有戰功軍還除輔國將軍及卒追論討休之功進爵為子

### 武衛將軍一

官屬與左右衛同

原杜氏通典曰後漢末曹公為丞相有武衛營及魏文帝乃置武衛將軍以主禁旅晉宋齊梁陳隋又有建武奮武廣武等將軍至隋采諸武之名置左右武衛大將軍一人將軍各二人以總府事煬帝改所領軍士名熊騎唐光宅元年改為左右鷹揚衛神龍元年復為武衛其制與隋同所掌如左右衛 增宋史職官志曰環衛

官有左右武衛上將軍大將軍將軍 續文獻通考曰

遼南面有左右武衛設官與驍騎同 金武衛軍都指

揮使隸尚書兵部設官都指揮使從三品 大定二十九年以武衛軍

六十人兵馬一員副都二員其職低故設使品正四承安三年陞 副都指揮使二員從

四品副都一員從四品 初正五品承安三年陞 判官一員 承安三年設

掌防衛都城警捕盜賊 鈐轄司鈐轄十員正六品 初設

二都鈐轄四員從七品 興定二年權設巡把兩宅 都將二十員從九

品 大安十六年立名 掌管轄軍人防衛警捕之事 承安元年設萬人內軍八

千九百四十九人忠衛  
二百人隊正四百人

元世祖中統三年初置武衛

至元元年改為侍衛八年改為左右中前後五衛二十  
六年樞密院以六衛六千人大都屯田三千人近路迤  
南萬戶府一千人總一萬人立武衛親軍都指揮使司  
掌修治城隍及京師內外工役兼大都屯田等事設達  
魯噶齊一員都指揮使一員俱正三品副都指揮使二  
員從三品僉事二員正四品經歷二員從七品知事照  
磨各二員俱從八品所屬鎮撫所一行軍千戶所七屯

田千戶所六教官二其設官俱與左右中前後衛同

### 武衛將軍二

增深懼盈滿

願立功效

隋書曰李穆初仕周為武衛大將軍擊曲沔蠻破之授原

州刺史穆以二兄賢遠並為佐命功臣子弟布列清顯深懼盈滿辭不受拜太祖不許後周書曰陸騰為武衛將軍既為太祖所知願立功效不求內職太祖嘉之

釋縛焚櫬 東馬懸車

冊府元龜曰秦荀萇為武衛將軍苻堅遣萇伐張天錫天錫遣司兵趙克哲為先鋒與萇等戰於赤岸克哲大敗天錫懼請降萇至姑臧天錫乘素車白馬面縛輿櫬降於軍門萇釋縛焚櫬送之長安又曰楊武通為左武衛將軍歷岷簡二州總管與周法尚討嘉州叛獠法尚軍初不利武通率數千人為賊斷其歸路武通於是

東馬懸車出賊不意頻戰破之

督宿衛禁兵 讀孫吳兵法

又曰魏許褚遷

武衛將軍都督中軍宿衛禁兵初褚所將為虎士等從征伐太祖以為皆壯士同日拜為將其後以功為將軍封侯者數十都尉校尉者百人又曰高霞寓少讀左氏春秋及孫吳兵法後為左武衛大將軍邠寧節度使

賜物三千段

贈帛四百匹

隋書曰杜彥仕周每戰有功賜物三十段奴婢

三十口進位上開府開皇中為左武衛將軍又曰杜整為左武衛將軍開皇中密進取陳之策高祖善之於是行軍總管鎮襄陽贈帛四百匹

原許褚宿衛甚親

曹攄憂亡流

涕魏志曰許褚字仲康從太祖討馬超韓遂大破超等褚身斬首級遷武衛中郎將武衛之號自此始也軍

中以褚力如虎而癡故號曰虎癡後文帝遷武衛將軍都督中軍宿衛禁兵甚親近焉北堂書鈔曰曹攄為

武衛大縱酒作樂酒酣起舞憂亡流涕云

### 武衛將軍三

增領五百騎

北魏書曰宇文福孝文時為武衛將軍從征南陽齊遣崔惠景等率衆來救孝文敕

福領高車羽林五百騎遏敵歸路賊衆六道來戰福身先士卒賊遂奔潰

領二百騎

冊府元龜

曰唐黑齒常之為左武衛大將軍仍檢校左羽林軍垂拱中突厥犯邊常之率兵拒之躡至兩井忽逢敵衆常之見其爭下馬著甲遂領二百餘騎身當先鋒直衝敵皆棄甲而遁

將士爭奮

又曰段韶為武

衛將軍長於計畧善於御衆得將士之心臨敵之日人人爭奮

將士閑習

北魏書曰宇文福為

武衛將軍從孝文征南陽至鄧城福選兵簡將為攻圍之勢帝望福兵軍法齊整將士閑習大被褒歎

破賊一萬

冊府元龜曰唐王君廓為上柱國武德初統兵經畧東都王世充將郭士衡許羅漢前後

入掠廓擊退之拜右武衛將軍詔勞之曰卿以三千人破賊一萬自古以少制衆未之聞也

招降

二萬

隋書曰郭衍為左武衛大將軍討吐谷渾出金山道納降二萬餘戶

力戰功最

冊府

元龜曰唐李高遷為右三統軍從高祖平霍邑圍京城力戰功最累遷左武衛大將軍

力戰勲

最

又曰唐錢九隴遷右武衛大將軍從上擒竇建德平王世充又討劉黑闥於魏州力戰破賊策勲為最

賜御馬一匹

後魏書曰獨孤信孝文時為武衛將軍孝武西遷單騎及之於瀋澗孝武歎曰

武衛能捐父母妻孥遠來從我世亂識忠良豈虛言哉即賜御馬一匹進爵浮陽公

賜吳樂一

部隋書曰竇榮定初為平東將軍從周太祖擊却齊人於北芒又從武帝平齊高祖受禪累遷右武衛大將

軍尋除秦州總管賜吳樂一部

知運擊吐蕃

冊府元龜曰郭知運擢右武衛將軍吐蕃入寇

隴右知運擊敗之尋率兵討吐蕃掩獲萬計累遷左武衛大將軍賜金銀器百事雜絲千段

常之

討吐蕃

又曰唐黑齒常之為左武衛將軍率兵討吐蕃軍至良非川吐蕃大將贊婆引退常之進軍追

討獲其羊馬甲仗而還

逐吐谷渾於青海

隋書曰周法尚拜左武衛將軍討吐谷渾

逐捕亡散至於青海賜奴婢馬匹等物

擊吐谷渾於青海

又曰李景拜右武衛大將

軍賜繒九千匹女樂一部景忠直為時所許帝甚信之擊叛蠻向思多破之又擊吐谷渾於青海破之進位先

祿大夫

率精騎出其不意

又曰李徹為左武衛將軍時突厥入塞文帝令衛王爽為

元帥擊之以徹為長史行軍總管李充言於爽曰突厥舉國據險必輕我而無備精兵罷之可破也徹獎成其



計請同行遂與充率精騎出其不意掩擊大破之

以奇兵出其不意

唐書曰唐休璟

為涼州都督吐蕃大將麴莽布支率衆屯於洪源休璟以奇兵出其不意掩擊大破之斬首三千餘級

### 武衛將軍四

增制唐孫逖授郭元昇右武衛將軍等制曰少監郭元昇忠厚資貞有聞於行守太子家令鄭繼先衣冠濟業不隕其名各在官次頗淹年序宜分職於五校俾增榮於兩宮 元稹劉泰清左武衛將軍制曰敕劉泰清文武並用必推其才久次不遷則有升叙以爾踐更吏職

星歲頗淹例當酬勞用進常秩奮我武衛以列周廬斯亦信臣之任也其勤厥職式副予恩

左右威衛將軍一

官屬與左右衛同

原杜氏通典曰隋初有領軍府煬帝改為左右屯衛唐因之貞觀十二年左右屯衛始置飛騎出遊幸即衣五色袍乘六閑馬賜猛獸衣韉而從焉龍朔二年改左右屯衛為左右威衛而別置左右屯營亦有大將軍等官尋改左右屯營為羽林光宅元年改威衛為豹韜衛神龍元年復

舊所掌如左右衛

龍朔元年左右威衛舊官之員外各置錄事參軍一人掾三人史四人並

隸左右羽林

軍統本司事

增續文獻通考曰遼南面有左右威衛

設官與驍衛同

金制無考

元初制左都威衛使司

秩正三品使三員副使二員僉事二員經歷知事照磨

各一員至元十六年以侍衛親軍一萬戶撥屬東宮立

侍衛親軍都指揮使司三十一年改隆福宮左都威衛

使司隸中宮右都威衛使司設官同中統三年以世祖

五投下特默齋立總管府秩四品設總管一員二十一

年撥屬東宮二十二年改蒙古侍衛親軍都指揮使司  
秩正三品三十一年改隆福宮右都威衛使司秩仍舊  
左都威衛屬鎮撫所鎮撫二員都目一員行軍千戶所  
千戶二員副千戶二員知事彈壓各一員百戶二十員  
屯田左右千戶二所千戶二員都目一員彈壓一員百  
戶每所二十員弩軍千戶所千戶二員都目一員彈壓  
一員資食倉大使一員副使一員右都威衛屬鎮撫司  
同左行軍千戶凡五所秩正四品千戶五員副千戶五

員知事五員百戶五十員彈壓五員屯田千戶所秩正  
五品千戶二員彈壓一員百戶七員都目一人廣貯倉  
秩從九品大使一員副使一員攢典一人又忠翊侍衛  
親軍都指揮使司至元二十九年立屯田府大德十一  
年增軍數立為大同等處指揮使司後改中都威衛使  
司隸徽政院尋改隸樞密至治元年改為忠翊侍衛署  
都指揮使等官與左右中前後衛同

左右威衛將軍二

增植性溫厚

音詞質樸

冊府元龜曰梁漢顯為威衛上將軍雖起於行陣植性溫

厚軍政之暇不倦接納歷數鎮家無餘積又曰唐張士貴貞觀中為右屯衛大將軍從幸岐陽賜宴士貴詩甚有理致自後頻屬和士貴音詞質樸言論不文多疑其假手同明殿召見玄武

門宿衛

唐書曰薛訥則天時突厥入寇河北以訥攝左威衛將軍安東道經畧使臨行於同明殿召見

訥奏曰突厥憑陵以廬陵王為辭今雖有昇儲外議猶恐未定若此命不易則狂賊自然款服則天深然之又曰姜確為左屯衛將軍宿衛玄武門及委以園苑之務其屯營飛騎亦分隸於確每有遊幸即領騎而從焉

行敏斬叛將

常之赦官兵

冊府元龜曰王行敏為屯衛將軍劉武周入并

州遣兵寇上黨潞州刺史郭子威以兵自禦高祖令行敏馳鎮潞州有言子威將叛者行敏斬子威以徇上下

肅然 又曰唐黑齒常之為左威衛大將軍有所乘馬  
為兵士所損副使牛師獎等請鞭之常之曰豈可以損  
私馬而沒官  
兵乎竟赦之  
萬均追奔至積石 姜確刊頌磨紀功  
又曰唐薛萬均為左屯衛將軍從李靖等擊吐谷渾軍  
次青海率軍先路道遇敵於赤海萬均擊走之追奔至  
積石山南道大風折旂拔木萬均曰敵將至矣宜合為  
備俄而敵至萬均直前斬將於是大潰 唐書曰姜確  
為左屯衛將軍貞觀中高昌之役以為交河道行軍副  
總管率眾先大軍出伊吾趣柳谷其地有班超紀功碑  
確磨去文刊  
頌國威而去

### 左右威衛將軍三

增制唐錢珣授右千牛衛將軍李璠右威衛將軍制曰

具官李璠等朕每據法座命百辟四夷大和會於朝能率其屬建黃麾飛麟之旗立於陛前者有衛將軍之盛職也璠以忠謹之質周旋於藩邸之中以久得遷常為貳金吾矣武弁有列乃命陟居既曉玉鈴俾登環衛尚書之秩光寵並行薛廷珪授右威衛上將軍契苾璋威衛上將軍制曰具官契苾璋尚齒酬勞固聞於茂典念功求舊式勸於後生朕嘗因坐朝周視百辟有峨冠擔珪華髮承弁鷹揚鶚立於墀廡之上者一旦便殿詢



於宰臣且曰衛將軍璋也夙號良將實著軍功嘗擁節旄兼聞善政自處之環衛委以腹心闢彼汙萊盡作文王之囿化其士卒皆為君子之營而耆艾服勤班資不稱積薪之歎達我聽聞俾升上將之尊不假三師之貴吾於爾輩無吝優恩勉服軒裳共致寧謐

### 領軍將軍一

原杜氏通典曰初魏武為丞相相府自置領軍非漢官也建安十二年為中領軍以史煥為之文帝受漢禪始

置領軍將軍主五校中壘武衛三營

魏文帝踐阼始置領軍將軍以曹休

為晉武帝初省使中軍將軍羊祜統二衛前後左右驍

騎七軍營兵即領軍之任也祜遷罷復置北軍中候懷

帝永嘉中改中軍曰中領軍元帝永昌元年復改曰北

軍中候尋復為領軍成帝時復以為中候而陶侃居之

尋復為領軍魏晉領軍金章紫綬中領銀章青綬武冠

絳朝服佩水蒼玉

晉郝鑒庾亮紀瞻卞壺陸曄褚翼王彪之會稽王道子沈嘉武陵王導孔

安國謝鯤等並為領軍

宋置領軍將軍一人掌內軍齊有領軍及

中領軍領軍置長史以下官屬梁領軍將軍管天下兵

要謂之禁司與左右僕射為一流中領軍與吏部尚書

為一流

梁蕭景為領軍將軍管天下兵要監局官僚皆近幸多驕侈景在職峻切官曹肅然其監局多

事唯景及臧盾長於撥繁繼居此職並著聲稱

陳因之後魏有領軍又有領軍

將軍北齊領軍府凡禁衛官皆主之以高歸彥為領軍

大將軍領軍加大自歸彥始隋有左右領軍府各掌十

二軍籍帳差科詞訟之事不置將軍惟有長史司馬諸

曹掾屬等官煬帝改領軍為左右屯衛

即今左右威衛

唐復采

舊名置領軍衛分為左右龍朔二年改為左右戎衛咸亨元年復舊光宅元年改為左右玉鈴衛神龍元年復舊各置大將軍一人掌宮掖禁備督攝隊伍與左右諸衛同將軍各一人以副之

長史齊梁陳並有之北齊有長史司馬隋置錄事以下諸

曹唐因之同左右衛

增續文獻通考曰遼南面有左右領軍衛

設官與驍衛武衛威衛同 金元制無考

### 領軍將軍二

增魏略曰太祖以史渙忠勇為中領軍領禁兵 又曰

太祖還長安以曹休為中領軍 又曰太祖征孫權以

尚書令陳群為中領軍 晉書曰吳隱之為中領軍清

儉每月初得祿裁留身糧其餘悉分賑親族家人績紡以供朝夕時有困絕或并日而食恒布衣不完 晉中

興書曰羊祜字叔子遷中領軍悉統宿衛入直殿中執

兵之要事兼內外 齊書曰蕭景先武帝少年時與景

先共車行車久故壞至領軍府西門車轆折俱狼狽景

先謂帝曰兩人脫先作領軍亦不得忘今日艱辛及武

帝踐阼詔以景先為領軍拜日羽儀甚盛傾朝觀屬拜  
還未至府門中詔相聞領軍今日故當無折轅事耶景  
先奉謝 梁書曰臧盾遷中領軍為人敏贍有風力職  
事甚理天監中吳平侯蕭景居此職著聲稱盾復繼之  
高堂隆集曰已已詔書中領軍游擊皆青玉佩

領軍將軍三

原總六軍 監五營

魏畧曰叔述考詩序云余每遷中領軍總六軍之要秉選舉之機貴

則情廣富則驕奢無度則階禍矣 續漢書百官志曰北軍中候一人秩六百石掌監五營魏略云中領軍延

康中置故漢北軍中候之官也

增給步騎

賜御馬

北魏書曰長孫肥為中領軍將

軍從道武征中山平之討破妖賊趙準於九門除肥鎮遠將軍兗州刺史給步騎一萬冊府元龜曰唐王君廓為右領軍鎮幽州會突厥入寇君廓邀擊破之高祖大悅賜以御馬令於殿庭乘之而出

原紀

瞻忠亮

隱之清儉

王隱晉書曰紀瞻字士達朝廷稱其忠亮推正才兼文武可領軍將

軍時人素服其嚴毅雖恒疾病六軍敬憚之尋以風病自表請去官遣黃宏就謁軍事隱之事見領軍將軍

二

賓客盈座

上殿定謀

傅元子曰安鄉亭侯曹叡為領軍將軍慕周公之下

士賓客盈座

晉中興書曰紀瞻拜領軍會錢鳳作逆詔上殿參定謀策事

增偽作降文

不納詐告

冊府元龜曰吳胡綜為侍中兼左右領軍時魏降人或云魏都督河北振威將軍吳

質頗見猜疑綜乃偽為質作降文三條文即流行而質已入為侍中矣南宋書曰沈攸之為中領軍鎮淮陰薛安都據彭城引魏為援魏遣清泗間人詐告攸之云安都欲降求軍迎接攸之副吳喜納其說攸之乃集來者告之曰薛徐州早宜還朝今能爾深副本望但遣子弟一人來便遣大軍相接君諸人既有心若能與薛子弟俱來者皆即假軍以本鄉縣唯意所欲如其不爾無為空勞往還自此一去不反

武力見知

全軍獲賞

北齊書曰莫多婁敬顯為領軍將軍強直勤幹少以武力見知恒從斛律先征討先

每命敬顯前驅安置營壘部分將士造次之間行伍整肅深為先所重又曰皮景和後主武平中為領軍將軍陳將吳明徹圍壽陽拒吳明徹者多致傾覆唯景和全軍而還由是獲賞除尚書令別封河西郡開國公

蔡徵勤苦

于忠劬勞

冊府元龜曰陳蔡徵為右將軍隋軍濟江後主以徵有幹



用令權中領軍徵日夜勤苦備盡心力後主喜焉謂曰  
事寧有以相報又曰子忠宣武時為侍中領軍將軍  
忠面陳讓云臣無學識不堪兼文武之任宣武曰當今  
學識有文者不少但心直不如卿欲使卿劬勞於下我  
當無憂於上矣

### 謀殺宣王

### 推立安德

魏志曰許允齊王時為中領軍時姜維寇

隴右安東將軍司馬文王鎮許昌徵還擊維至京師帝  
於平樂觀以臨軍過允與左右小臣謀因文王辭殺之  
勒其衆以退大將軍已書詔於前文王入帝方食栗優  
人雲午等唱曰青頭雞青頭雞青頭雞者鴨也帝懼不  
敢發文王引兵入城景王因是謀廢帝北齊書曰莫  
多婁敬顯為領軍將軍從後主於平陽敗歸并州與唐  
邕等推立安德王稱尊號安德敗文武

### 拂席改服

### 束帶下車

冊府元龜曰晉謝鯉為領軍將軍時羊欣為  
會稽王世子元顯後軍府舍人此職本用寒

人欣意貌恬然不以高卑見色論者稱之欣嘗詣鯤鯢拂席改服然後見之又曰劉懷慎為中領軍雖名位轉優而恭恪愈至每所之造位任不踰已者皆束帶門外下車其謹退類如此

閉門自守

冒刃而前

隋書曰庠遯士文初仕齊為領軍將軍周武帝平齊山東衣冠多迎周師惟士文閉門自

守帝奇之授開府儀同三司隋州刺史冊府元龜曰魯廣達為中領軍隋賀若弼進軍鍾山廣達率衆於白土岡置陣與弼旗鼓相對廣達躬擐甲胄手執桴鼓率勵敢死冒刃而前隋軍退走廣達逐北至營殺傷甚重如是者數四焉

轉鬪數十里

敢死五百人

又曰唐契苾何力為左領軍將

軍時太宗征遼李勣攻白巖城烏骨城遣兵萬餘為之聲援何力以勅騎八百遇而合戰何力挺身陷陣被槊中腰尚輦奉御薛萬單馬而進拔何力於群賊中與之俱出束創而戰賊乃退何力逐之轉鬪數十餘里斬首

千餘級

又曰唐黑齒常之為左領軍負外將軍高宗

儀鳳中吐蕃

入寇從河西道大總管李敬元拒之總管

劉審禮沒於陣

敬元欲抽軍却阻泥溝而計無所出常

之夜率敢死五百人

進砍賊營吐蕃大將跋地設棄甲

宵

加鼓吹一部

賜奴婢百口

又曰李安民為領衛尉太祖即位為中領

軍封康樂侯尋為領軍將軍魏兵寇壽春至馬頭詔安

民出征加鼓吹一部隋書曰李雄後周時領左右軍

破之賜奴婢百口

征吐谷渾縱奇兵擊

破之賜奴婢百口

安民論募軍

思力諫逐免

冊

元龜曰李安民為中領軍先是宋泰始以來內外頻有

賊寇將帥以下各募部曲屯聚京師安民上表陳之以

為自非淮北嘗備其外餘軍悉皆輪遣若親近宜立隨

身者聽限人數帝納之故詔斷衆募唐書曰執失思

力為左領軍將軍貞觀五年太宗時逐免於後苑思力

諫曰天授陛下為華夷父母何得自輕倘使萬一馬有

顛蹶將若之何太宗顧而異之又將逐免思力乃脫巾帶跪而固請太宗為之止焉

破高麗於

瓠蘆河

罷渾主於突倫川

唐書曰李謹行為燕山道總管右領軍大將軍咸亨

四年大破高麗於瓠蘆河之西俘獲數千人自是平壤餘衆走投新羅又曰契苾何力貞觀中為左領軍將軍與薛萬均征吐谷渾萬均為賊所攻何力救之獲免時吐谷渾主在突倫川何力欲復擊之萬均懲其前敗固言不可何力曰賊逐草木以為生若不襲其不虞便恐鳥驚魚散安可傾其巢穴耶乃自領驍兵千餘騎直入突倫川襲破吐谷渾牙帳斬首數千級渾主脫身以免俘其妻子而還

### 領軍將軍四

原從容養疾

晉起居注曰武帝泰始四年詔曰尚書韓伯陳疾解職領軍閑無上直之勞可得從

容養疾更以伯為領軍將軍

**卧護六軍**

晉中興書曰紀瞻以病辭領軍乞以帝侍衛左右

帝曰今日之事豈得如君所論但為朕卧護六軍所益多矣

**增聽乘輿出入**

南宋書曰

王元謨為領軍將軍太宗即位四方反叛以元謨為大統領水軍南討以脚疾聽乘輿出入

**解玉**

**環贈之**

梁書曰柳惔齊和帝時為侍中領軍將軍高祖之鎮襄陽為惔祖道帝解玉環贈之天監二年

元會帝謂曰卿所佩玉環是新亭所贈耶因勸之酒惔時未卒爵帝曰吾嘗比卿劉越石近辭卮酒邪

**原修車馬戒不虞**

漢官解詁曰中壘城門北軍士校修爾車馬以戒不虞應劭注云漢掌兵

官

## 領軍將軍五

增制唐元稹授杜叔良左領軍衛大將軍制曰具官杜

叔良將門之子不墜弓裘頗閱詩書素明韜略頃以五

原近寇禦侮才難遂俾毆攘實資毅勇星霜屢換節制

斯勤雖不立奇功而無忘慎固尚多毗倚廼命徼巡勉

服新恩以彰前効 錢珣授前左武衛將軍李儔左領

軍衛大將軍前右監門衛大將軍江繼美左領軍衛大

將軍制曰具官李儔等王者之居率先警衛將軍之令

必勝戒嚴儔與繼美皆以絳服青綬常立於西序矣在

列甚謹其勤亦多戎容頗稱於抱材家食且聞其處困故以左右領軍之命並而進之

護軍將軍一

增宋書百官志曰護軍將軍一人掌外軍秦時護軍都尉漢因之陳平為護軍中尉盡護諸將然則復以都尉為中尉矣武帝元狩四年以護軍都尉屬大司馬於時為都尉矣漢書李廣傳廣為驍騎將軍屬護軍將軍蓋護軍護諸將軍哀帝元壽元年更名護軍都尉曰司寇

平帝元始元年更名護軍都尉東京省班固為大將軍  
中護軍隸將軍幕府非漢朝列職魏武為相以韓浩為  
護軍非漢官也建安十二年改護軍為中護軍置長史  
司馬魏初因置護軍主武官選隸領軍晉世則不隸也  
晉元帝永昌元年省護軍并領軍明帝大明二年復置  
魏晉江左領護各領營兵江左以來領軍不復別營總  
統二衛驍騎材官諸軍猶別有營也領護資重者為領  
軍護軍將軍資輕者為中領軍中護軍官屬有長史司



馬功曹主簿五官受命出軍則置參軍 隋書百官志  
曰護軍府將軍一人掌四中關津輿駕出則護駕中護  
軍亦同有長史司馬功曹五官主簿錄事釐其府事其  
屬官東西南北四中府皆統之四府各中郎將一人長  
史司馬錄事參軍統府錄事各一人又有統府直兵及  
功曹倉曹中兵外兵騎兵長流城局等參軍各一人法  
田鎧等曹行參軍各一人又領諸關尉津尉

護軍將軍二

增王隱晉書曰鄧攸遷吏部尚書牧馬於家庭妻子素食當時清淨內外肅然遷為中護軍晉起居注曰武帝泰始七年詔曰中護軍職典武選宜得堪幹其事者左衛將軍羊琇有明瞻才其以琇為中護軍

護軍將軍三

原掌禁兵 典武選

晉起居注曰泰始七年詔曰中護軍韓浩與領軍史渙皆掌禁兵

魏畧曰司馬景王為護軍典武官選事

盡護諸將 總統諸軍

史記曰陳平歸

漢拜為都尉典護軍灌嬰等咸讒之漢王疑召問平平曰聞漢王之能用人故歸大王臣裸身來不受金無以

為資誠臣計畫有可采者願大王用之使無可用者金  
具在請封輸官得請骸骨漢王乃謝厚賜拜為護軍中  
尉盡護諸將魏畧曰司馬景王  
代夏侯元為護軍將軍總統諸軍  
與參謀議問以

時事

後漢書班固傳曰大將軍實憲出征匈奴以班固  
為中護軍與參謀議魏志曰夏侯元遷中護軍

太傅司馬宣王問以時事元議以為夫官才用人國之  
柄也故銓衡專於臺閣上之分也孝行存乎閭巷而優  
劣任之鄉人  
陳平參乘周顗失儀史記曰陳平為  
下之叙也

護軍絳侯等咸譏之晉書曰周顗字伯仁代戴若思  
為護軍將軍紀瞻置酒請顗及王導等二十人顗荒醉

失儀為有

拔用俊傑任役公平

世語曰夏侯元字  
太初元世名知人

司所奏

為中護軍拔用武官參戰牙門無非俊傑晉中興書  
王羲之為護軍將軍令所任之患在於任役公平也

增所向無前

追不敢逼

魏書曰夏侯淵行護軍將軍擊破南山賊劉雄并餘

黨梁興於鄠拔之斬興封博昌亭侯初枹罕宋建因涼州亂自號河首平漢王太祖使淵討平之太祖下令曰

宋建造為亂逆三十餘年淵一舉滅之虎步關右所向無前仲尼有言吾與爾不如也唐書曰段志玄從討

王世充深入陷陣馬倒為賊所擒兩騎挾持其髻志玄踴其身奮二人俱墜馬於是奪其馬仗馳歸追者數百

騎不敢逼王世充平轉右護軍

諫取徐州

從破柳城

冊府元龜曰吳呂蒙為護

軍大帝將欲北取徐州以廣其地蒙諫曰不可今曹操遠在河北新破二表撫集幽冀未暇東顧今徐州地勢

陸通四面受敵今日得之明日還失舉全吳之衆未足守也又曰韓浩為護軍太祖欲討柳城領軍史渙以

為道遠非計欲與浩共諫浩曰今兵勢強盛無不如志且公舉無遺策吾與君為中軍主不宜沮衆遂從破柳

城改其官為中護軍置長史司馬

周顗辭正

桓伊忠誠

晉書曰周顗代戴若

思為護軍將軍及王敦構逆王師敗績顗奉詔詣敦敦曰伯仁卿負我顗曰公戎車犯順下官親率六軍不能共事使王旅奔敗以此負公敦憚其辭正不知所答又曰桓伊為護軍將軍卒贈右將軍加散騎常侍謚曰烈初伊有馬步鎧六百領豫為表令死乃上之詔曰伊忠誠不遂益以傷懷仍受其所上之鎧

縹被

布裙

素麓故絮

冊府元龜曰吳蔣欽為右護軍典領

妻妾布裙帝歎其在貴守約即敕御府為母作錦被改易帷帳妻妾衣服悉皆錦繡晉書曰周顗為護軍將軍王敦構逆被害敦使繆坦籍顗家收得素麓數枚盛故絮而已酒五甕米數石在位者服其清約

襲

破魏軍

盡平蠻賊

梁書曰夏侯宣為中護軍與湛僧智解破魏軍於淮肥唐書曰高

駢為南都護軍懿宗咸通七年九月駢上奏復交  
州盡平蠻賊積歲所侵故地是日帝受百僚賀

孫

璣率衆

趙儼統軍

冊府元龜曰孫璣為姚泐安定護  
軍時赫連屈子來侵人懷危懼亡

奔者相屬璣獨率衆拒守又曰趙儼為閩中護軍盡  
純諸軍屯田客呂並自稱將軍聚黨據陳倉儼率平難  
將軍殷署等攻之賊即破滅

原安國擊匈奴

充國擊武都

漢書  
百官

公卿表曰韓安國以護軍將軍擊匈奴  
又曰趙充國為大將軍都尉擊武都

召吏收朱祐

聞謠問蔣濟

後漢書曰朱祐為護軍侍宴從容曰長  
安政亂公有日角之表此天命也世祖

曰召刺奸收護軍祐乃不敢復言按注云王莽置左右  
刺奸魏畧曰蔣濟為護軍時謠言欲求牙門當得千

區宣王與濟善以問濟濟無以解之  
因戲曰洛下一錢不足則不可行也

隨何說英布

應詹滅王敦

史記曰漢王與楚大戰彭城不利謁者隨何將二十人使淮南說英布背楚歸漢乃

拜何為護軍將軍

王隱晉書應詹傳曰王敦作逆明

帝問應詹計將安出詹奮然慷慨曰陛下宜奮赫斯之

威臣等當得負戈前驅庶憑宗廟之靈有征無戰如其

不然王室必危帝以詹為都督前鋒軍事護軍將軍以

滅敦

增蔣欽督水軍

唐邕教田獵

冊府元龜曰吳蔣欽拜右護軍

大帝討闕羽欽督水軍入沔還道病卒子壹封宣城侯

又曰北齊唐邕為護軍邕以軍民教習田獵請每月

兩圍武

能得人死力

不與眾俯仰

梁書曰呂義之為護軍將軍性

成從之

寬厚為將

能得人死力及居藩任吏民安之

又曰韋

觀為護軍將軍時武帝方銳意釋氏天下咸從風而化

觀自以信受素薄位居大臣不欲與眾俯仰所行畧如他日

原選用舉不越功

親幸莫與為比

王隱晉書曰景王為護軍將軍作選用之法舉不越功吏無私焉後漢書曰

朱祐為護軍嘗見親幸舍止於中

增追韓遂至略陽

破曹公於赤

壁魏志曰夏侯淵為護軍將軍韓遂在顯親淵欲襲取之遂走淵收遂軍糧追至略陽城留督將守輜重輕

兵步騎到長離攻燒羗屯斬獲甚衆吳志曰周瑜為中護將軍曹公入荊州劉琮舉衆降將士聞之皆恐咸曰不如迎之瑜曰不然操雖託名漢相其實漢賊也將軍以神武雄才兼仗父兄之烈兵精足用當為漢家除殘去穢操自送死而可迎之耶瑜請得精兵三萬人進往夏口保為將軍破之遂破曹公於赤壁

會

陶侃破郭默

從道規討桓謙

晉書曰庾亮轉護軍將軍鎮蕪湖後將軍郭默

據湓口以叛亮表求親征於是加征討都督會太尉陶侃討破之宋書曰檀道濟為揚武將軍從劉道規討



桓謙荀林等率厲文武所向摧破及徐道覆來逼道規親出拒戰道濟戰功居多遷安遠護軍

原子

通上疏明帝曰微君吾弗聞善元嗣留鎮太祖曰安

可以無護軍

魏志曰蔣濟字子通遷護軍將軍上疏諫明帝詔曰微護軍吾弗聞善言又曰韓

浩字元嗣為中護軍從太祖討張魯會降議者以浩智畧足以綏邊欲留諸軍鎮漢中太祖曰吾安可以無護軍乃與俱還其見親任如此

### 護軍將軍四

原護軍秦官

漢書百官公卿表護軍將軍從秦官舍人李斯為之

武士管籥

皇甫

謚集曰護軍武士軍之管籥

增魏軍即退

冊府元龜曰蜀劉敏為左護軍與王平俱鎮漢

中魏軍罷蜀敏帥所領與平會大將軍費  
禕從成都至魏軍即退敏以功封雲亭侯

曹公引退

又曰吳呂蒙拜偏將軍曹公大出濡須蒙  
攻破之曹公引退拜蒙左護軍虎威將軍

梟首數千

級晉書曰應詹為都督前鋒軍事護軍將軍假節都督  
時以王敦作逆朱雀橋南賊從竹格渡江詹擊敗之

斬賊率杜發梟首數千  
級賊平封觀陽縣侯

擊賊數千人

冊府元龜曰唐  
程知節為秦王

府護軍武德三年以百餘騎  
擊王世充賊數千人破之

原先主以法正為護軍

蜀志曰法正為護軍將軍以  
病卒先主為之流涕者累日


王導以趙泳為護軍

晉

興書曰司徒王導以趙泳為護軍孔愉謂導曰中興以  
來處此官者周伯仁應思遠今誠乏才豈可以趙泳居  
之

護軍將軍五

原詩晉傳咸答樂宏詩并序曰安樂令樂宏太傅鉅平  
侯羊公辟未就而公薨後應司州之命舉秀才博文通  
濟之士余失和於府當換為護軍司馬賦詩見贈答之  
云爾鉅平作宰是貴是欽弓旌仍招嘉命胥尋鸞鳳養  
儀戢翼幽林未附雅調以和韶音鉅平遐逝厲志彌深  
肅肅京司清風裁邁乃延群彥龍集鳳會亦既斯降萬  
里有賴聲發響應好盟傾蓋



御定淵鑑類函卷一百二

設官曰大將軍曰上將軍曰將軍曰折衝都尉果毅都尉  
金海陵正隆五年罷親軍司以所掌付大興府置  
左右驍衛所謂從駕軍也 元明無

左右驍騎將軍二

增東觀漢記曰建武九年以劉喜為驍騎將軍攻涿郡  
魏志曰董卓立獻帝表太祖為驍騎將軍與計事太  
祖乃變姓名間行東歸 齊書曰江數為侍中轉都官  
尚書領驍騎將軍王晏啓武帝曰江數今重登禮閣兼

# 欽定四庫全書

子部

御定淵鑑類函卷一百三  
四

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官編修臣沈清藻

謄錄監生臣丁緯

欽定四庫全書

御定淵鑑類函卷一百三

設官部四十三

前後左右將軍 四征將軍  
四鎮將軍 四安將軍

四平將軍

鎮軍將軍以下

前後左右將軍一

原杜氏通典曰前後左右將軍皆周末官秦因之位上

卿金印紫綬漢不常置或有前後或有左右皆掌兵及

四奏有長史秩千石

李廣為前將軍趙充國為後將軍  
辛慶忌王商為左將軍馮奉世為

右將軍

光武建武七年省魏以來復置晉武初又置前軍

左軍右軍泰始八年又置後軍是謂四軍齊亦號左右前後四軍陳並有之北齊左右將軍領千牛脩身唐無增玉海曰漢五府趙充國傳神爵二年詔舉護羌校尉時後將軍充國病五府舉辛湯充國奏不如湯兄臨衆詔用臨衆病免五府復舉湯段會宗傳曰竟寧中五府舉段會宗為西域都護

表時王商為右將軍

馮奉世傳曰

永光二年秋隴西羌反詔召丞相元成御史大夫鄭宏



大司馬車騎將軍王接左將軍許嘉右將軍奉世入議  
杜鄴傳曰與王音善王商位特進領城門兵得舉吏  
如將軍府鄴說音曰成都侯商以特進領城門兵復有  
詔得舉吏如五府表曰左將軍始於後元二年上官  
桀右將軍始於始元四年王莽前後將軍始於元平元  
年韓增趙充國

前後左右將軍二

增耿純就國

李通乞身

冊府元龜曰耿純為前將軍  
擊王郎將李輝大破之又擊

更始太守范荆降之封東光侯純辭就國帝曰文帝謂周勃丞相吾所重君為吾率諸侯就國今亦然也又曰李通為前將軍以天下略定欲避榮寵以病上書乞身詔下羣臣議不允

盡心翊衛

勦力固守

又曰北周尉遲綱為前將軍太祖與東魏戰於邙山不利人心離散綱厲將士盡心翊衛

又曰李神雋為前將軍荊州刺史時梁將曹景宗來攻神雋勦力固守後論功封千乘縣開國侯 歷

船大呼

把稍直刺

又曰北魏楊播為左將軍假前將軍隨孝文南討至鍾離師還詔播

為衆軍殿時春水初長賊衆大至播以諸軍渡淮未訖身自居後諸軍渡盡賊衆遂集於是圍播數重播身自搏擊殺傷甚多水勢稍減播領精騎歷其船大呼曰今我欲渡能戰者出賊莫敢動遂擁衆而濟 又曰北周耿豪為前將軍從太祖戰於邙山豪謂其部曰大丈夫見賊湏右手拔刀左手把稍直斫直刺慎莫皺眉畏死

世隆不拜

鄧翼泣對

又曰南齊柳世隆授後將軍尚書左僕射不拜世隆性愛

涉獵啓太祖借秘閣書帝給三千卷

又曰秦鄧翼為

河間相父羌苻堅車騎將軍慕容垂之園鄴以翼為後

將軍冀州刺史翼泣對使者曰先君忠於秦室翼豈可

先叛乎垂遣使喻之翼曰冀州宜任親賢翼請他役效

命垂乃用為建武

鄧禹誦詩

武陵書奏

又曰後漢鄧禹年十

將軍河間太守

三能誦詩受業長安光武徇河北號禹曰鄧將軍軍累遷

前將軍右將軍

又曰蜀諸葛亮為右將軍行丞相事

亮言教書奏多可觀隨

原定策立宣帝

持節攻河

類相從凡為二十四篇

東

漢書曰趙充國字翁孫為後將軍與大將軍霍光定

策尊立宣帝後漢書曰鄧禹字仲華為前將軍持

節中分麾下精兵二萬人遣西入關禹自箕關將入河

東河東都尉守關不開禹攻十日破之獲輜重千餘乘

解綬賜仲都

使兵隨滿寵

東觀漢記曰李忠字仲都為右將軍封武侯辭

時無綬上解所佩綬以賜之

魏志曰滿寵字伯寧拜

前將軍領豫州刺史代曹休都督揚州諸軍事汝南兵

民戀慕大小相率奔隨道路不可禁止

增元定擒竇泰

長孺獲明徹

冊府元龜曰北魏元定孝武時為前將軍從擒竇泰復宏農破沙苑戰河橋定皆先鋒當其前者無不披靡

又曰達奚長孺為左前軍與烏丸軌圍陳將吳明徹於呂梁陳遣劉景為聲援長孺取車輪數百繫以大石流

之清水連轂相次以待景軍景至船艦礙輪不得進長孺乃縱奇兵大破之及獲吳明徹進位大將軍

荅書八十函

取書數千卷

又曰南宗朱齡石為高祖鎮軍參軍時劉穆之嘗於

高祖坐與齡石荅書自旦至日中穆之得百函齡石得八十函高祖北伐遷左將軍又曰北魏李順為左軍

將軍征統萬赫連昌克之太武賜諸將珍寶順唯取書數千卷太武善之

### 賈復食六縣

李雄賜百口

又曰後漢賈復為左將軍後定封膠東侯食郁秩壯武下密即墨棧胡觀陽凡六縣

又曰李雄領左後軍征吐谷渾雄率步騎督軍糧於洮河為賊所持雄與偽和繼奇兵擊破之賜奴婢百口

功名次充國

威猛亞雲長

又曰漢馮奉世為右將軍居爪牙官前後十年

為折衝宿將功名次趙充國

又曰蜀張飛為右將軍雄壯威猛亞於雲長魏程昱等咸稱關張萬人敵也

原常惠勤勞有功

師丹廉直守位

漢書曰常惠代蘇武為典屬國

明習外國事勤勞數有功遂為右將軍又曰師丹以廉直守位為左將軍

### 增追楊盛於

竹嶺 討祖悅於硤石

冊府元龜曰後秦姚平為姚泓後將軍時仇池公楊盛攻陷祁

欽定四庫全書

卷一百三

山執建節王總遂逼秦川泓遣平救之盛引退姚嵩與平追之及於竹嶺又曰崔延伯為後將軍幽州刺史梁衍遣趙祖悅偷據硤石詔延伯與都督崔亮討之亮令延伯守下蔡延伯取車輪去輞削銳其輻兩兩接對揉竹為絙貫連相屬並十餘道橫水為橋兩頭施大輞輞出沒任情不可燒斫斷祖悅等走路繇是梁軍不能赴救祖悅

合軍見俘

重甲跳三丈矛

兩騎攪數萬人

又曰晉郭默為

右將軍默為人勇健嘗身被重甲跳三丈矛時人莫不憚之又曰南齊周盤龍為右將軍魏寇淮陽圍甬城盤龍子奉叔單馬率二百餘人陷陣魏萬餘人張左右翼圍繞之一騎走還報奉叔已沒盤龍方食棄箸馳馬奮稍直奔魏陣自稱曰周公來魏素畏盤龍驍名即披靡時奉叔已大殺敵得出在外盤龍不知乃衝東擊西奔南突北賊衆莫敢當奉叔見其父久不出復躍馬入陣父子兩騎紫攪數萬人魏衆大敗盤龍父子由是名

國 播北

原文則持軍甚嚴整 公明將軍遠斥候

魏志曰于

禁字文則遷左將軍假節鉞禁持軍甚嚴整得賊財物無所私入 又曰徐晃字公明為右將軍性儉約畏慎將軍遠斥候先為不可勝然後戰追奔爭利士不暇食常嘆曰古人患不遭明君今幸遇之當以功自効何用私譽為終 馳至金城圖上方略 樂為邊將不願宿

不廣交援

衛

漢書曰趙充國為後將軍年七十餘時西羌反上老

充國使御史大夫丙吉問誰可將者充國對曰亡踰

老臣

上遣問度羌鹵何如當用幾人充國曰百聞不如一見兵難預度臣願馳至金城圖上方畧然羌戎小異

逆天

背畔滅亡不久願陛下以屬老臣勿以為憂

書曰河東郭默為右將軍樂為邊將不願宿衛及赴召

謂平

南將軍劉楨曰我能禦敵而不見用但右將軍主

禁兵若疆場有虞被使出征方始配給將卒無素恩信

不著以此臨敵少有不敗矣時當為官擇才若人臣自擇官安得不亂乎

李將軍後期責

之幕府 趙食其失道贖為庶人

漢書曰李廣為前將軍與右將軍趙食其

合軍出定襄失道後期大將軍長史急責廣之幕府上簿廣曰諸校尉無罪乃吾自失道吾今自上簿至幕府又趙食其傳曰武帝以食其為右將軍從大將軍出定襄迷失道當斬贖為庶人

### 前後左右將軍三

原為國虎臣

漢書曰辛慶忌字子真為左將軍慶忌居處恭儉食飲被服尤節約然性好輿馬號

為鮮明唯是為奢為國虎臣遭世承平匈奴西域親附敬其威信

為國爪牙

漢官儀曰武帝

四征四彝有前後左右將軍為國爪牙所以揚示威靈折衝萬里如虎如龍朝夕禦侮

金印紫



綬詳通

位諸卿上

漢官解詁曰前後左右將軍宣元以後雖不出征猶有其官位在諸

卿上增威震華夏蜀志曰關侯為前將軍假節鉞攻曹

溢七軍皆沒禁降關侯又斬龐德威震江夏曹操議徙都以避其銳威震江東魏志曰

前將軍屯合肥孫權甚憚之初遼為孫雄所圍遼潰出復入雄衆破走繇是威震江東兒啼不肯止其父母以

遼恐之高頴得民和冊府元龜曰隋高頴為左軍大將蕭巖之叛詔頴綏集江漢甚得民

和寇雋得衆心又曰北周寇雋為左將軍梁州刺史

圖攻雋撫勵將士人思効命梁人知其得衆心弗之敢逼皇甫嵩連戰又曰後漢

平時梁州賊王國圖陳倉拜嵩為左將軍督軍拒之自冬迄春城堅守固賊自解去嵩進擊連戰大破之

劉康祖大戰

又曰劉康祖為左軍將軍魏永昌王庫仁真以長安之衆八萬騎與康祖相及於尉

武大戰一日一夜殺殘填積

前後左右將軍四

增碑唐楊炯撰右將軍魏哲神道碑曰公諱哲字知人鉅鹿曲陽人也貞觀十五年起家補國子博士喬林婦日驚白鳳於詞條壁水澄天駭雕龍於義壑班超慷慨常懷萬里之心李路生平每負三軍之氣十六年教授左翊衛北門長上祿賜同京仍令為飛騎等講禮鄧司

徒之舊事馬上讀書祭征鹵之前聞營中習禮宮花如  
錦還臨拜將之壇槐葉成帷復對聞軍之市自皇王眷  
命大帝應期運璇衡而制八方調玉燭而臨四極元菟  
白狼之野來奉衣簪蟠桃析木之鄉尚迷聲教太宗文  
皇帝操斗極把鈎陳因百姓之心問三韓之罪勝殘去  
殺上憑宗廟之威禁暴戢兵下藉熊羆之用公丹心白  
刃本自輕生六郡三河由來重氣烏江討逆剖項籍於  
五侯涿野懲奸磔蚩尤於四牢二十年詔除遊擊將軍

右武侯信義府右果毅都尉長上如故顯慶二年以內  
憂解職三年詔除左衛清宮府左果毅都尉谷府折衝  
都尉並長上如故又以應詔舉對策甲科遷左騎衛郎  
將於時長榆歷歷烽火猶驚高柳依依邊風尚急四年  
詔公為鐵勒道行軍總管陳兵玉塞按節金微學常山  
之蛇擬麗譙之鶴伏尸百萬因瀚海而藏舟闢地數千  
即燕山而築觀武臣雄略氣懾西零神將宏圖威加北  
地麟德元年詔遷左驍騎中郎將尋檢校右監門左武

衛將軍本官如故昔者封禪陟云亭之後七十二君圖  
書出河洛以還三千餘歲振兵釋旅方崇薦帝之儀道  
洽功成必致禋天之禮粵以皇家闢統之五十年今上  
開基之十七載登封告禪玉牒金繩建顯號而施尊名  
揚英聲而騰茂實華曩輯睦皆承萬歲之恩朝野歡娛  
咸奉千年之慶乾封元年詔加明威將軍本官如故大  
風遺孽叛換青丘小水殘魂憑陵碧海率百官於文祖  
尚興彭蠡之師會萬國於塗山猶有防風之戮是歲也

詔公為遼東道行軍總管軍營對日兵氣橫天開玉堂  
而按部坐金城而勒陣駕鼉梁於聖海秦王息鞭石之  
威泛鼇釣於仙舟愚吏罷移山之力然後風行雷卷斬  
將屠城塞丹浦之遙源伐黑林之奧本王孫公子名霑  
皂隸之臣深谷大山境入樵漁之囿二年詔加上柱國  
仍檢校安東都護道之以德齊之以刑威振六官風揚  
五部兵戈載輯無勞尉候之虞桴鼓希聞寧有穿窬之  
盜仰太陽而晞湛露方預四朝臨逝水而急寒風俄悲

一去紫關生入判自無期繡服晨還竟知何日

### 四征將軍一

原杜氏通典曰四征將軍皆漢魏以來置加大者始曰

方面征東將軍

漢獻帝初平三年以馬騰為之或云以張遼為之

征西將軍

漢

武建武中以馮異為大將軍

征南將軍

漢光武二年以馮異為之亦以岑彭為大將軍

征北

將軍

魏明帝太和中置劉靖為之許允亦為之

各一人魏黃初中位次三公

後魏加大則次衛將軍唐無

### 四征將軍二

原治軍整齊

與士簡易

華嶠後漢書曰岑彭說降朱鮪遷征南將軍治軍整齊秋

毫無犯

又曰耿康字伯初為征西將軍出西城康壯勇與士簡易

增案行邊境築

起城塢

冊府元龜曰後漢耿恭為征西將軍遣案行涼州邊境勞賜保塞羌人進屯酒泉授戊己校尉

又曰魏鄧艾為征西將軍脩治障塞築城起塢泰始中羌人叛涼州道斷吏民安全者皆保艾所築塢焉

喻告蠻彝

賞賜軍士

又曰後漢岑彭為征南大將軍伐蜀漢喻告諸蠻彝降者

奏封其君長

又曰晉羊祜為征南大將軍立身清儉被服率素祿俸所資皆以贍給九族賞賜軍士家無餘財

姜維結陣

楊忠守橋

又曰蜀姜維為征西將軍隨丞相諸葛亮與魏司馬

宣王相持於渭南會亮卒長史楊儀等整軍而出百姓奔告宣王宣王追馬維令儀反旗鳴鼓若將相向者宣



王退於是儀結陣去又曰楊忠為征西將軍河橋之役忠力戰守橋敵人不得進邙山之戰又先登陷陣除

驃騎大將軍

被甲在前

執耒以率

又曰後漢耿秉為征西將軍副車騎將軍

實憲北征秉性勇壯而簡易軍行嘗自被甲在前休止不結營部然遠斥候明要誓有警軍陳立成士卒皆樂為死又曰魏鄧艾為征西將軍艾脩治脩守積穀彊兵值歲凶旱手執耒耜以率將士上下相感莫不盡力

振旅建業

傳首京師

又曰南梁王僧辯為征東大將軍特給鼓吹一部後既平

湘州旋於江陵督舟師西討及為鎮軍將軍破北齊文宣眾振旅於建業又曰波權喜為征西將軍孝武時

宋葭蘆戍主楊文度遣弟竄襲陷仇池權喜攻陷葭蘆斬文度傳首京師

身不跨馬手

不釋卷

又曰晉杜預為征南大將軍身不跨馬射不穿札而每有大事輒居將率之列獻徵錄曰明

吳亮正統間佩征南副將軍印鎮守貴州尋調鎮守雲南體貌魁梧饒智略所至蠻彝懷附喜文學至老手不釋

卷 潛至狄道

因停瑕丘

冊府元龜曰魏陳泰為征西將軍都督雍梁諸軍事

雍州刺史王經與姜維戰敗還保狄道城維圍狄道泰度高城嶺潛行夜至狄道與維交戰維退城中將士得出又曰北魏慕容容白曜為征南大將軍宋遣吳禧公率眾欲寇彭城尉元表請濟師獻文詔白曜赴之白曜到瑕丘遇患時泗水暴竭船不得進禧公退白曜因停瑕丘

益脩攻備

廣設方

略又曰魏夏侯尚為征南將軍假節督南方諸軍事時孫權雖稱藩尚益脩攻討之備後權果有貳心又

曰晉義陽成王望初仕魏為征西將軍持節都督雍涼二州諸軍事在任八年威化明肅先是姜維屢寇關中及望至廣設方略維不得為寇關中賴之

頻拔四城

悉平六洞

又曰北魏慕容

白曜為征南大將軍攻宋無鹽等戍一旬之內頻拔四城威震齊土 獻徵錄曰明顧襄為征南將軍鎮貴州

征五開六洞一百三十

陳懋撫綏

沐琮友愛

明陳

七寨悉平斬獲功多

懋佩征西將軍印總兵鎮守寧夏賜寶鏐白粳牛羊以為戒嚴之費懋至鎮號令一新凡降附者撫綏之務得其歡心

又曰明沐琮從兄璘號繼軒有文武才由都指揮陞右都督充總兵官佩征南將軍印繼鎮雲南撫

公友愛

至崑崙山 克可渡河

又曰明時吐蕃所部州城邀阻烏思藏使

者掠其輜重命鄧愈為征西將軍討之愈分兵為三并力齊入覆其巢穴窮追至崑崙山斬首不可勝計 奔

州史料曰洪武十四年命潁川侯傅友德為征南將軍率三十萬衆征雲南遂城烏撒得七星關以通畢節又

克可渡河於是東川烏

樓望三十 陣圖十二

冊府元龜

蒙芒部諸蠻望風降附

曰晉蔡謨為征北將軍領徐州刺史石季龍於青州造船數百掠緣海諸縣謨遣龍驤將軍徐元等守中州并設募若得賊大白船者賞布千匹是時謨所統七千餘人所戍東至土山西至江乘鎮守八所城壘凡十一處烽火樓望三十餘處隨宜防備甚有算略又曰北魏源賀為征南將軍依古今兵法及先儒耆舊之說略採至要為十二陣圖以

稱義之清貴

白慶之忠謹

冊府

元龜曰晉庾亮為征西將軍王羲之為參軍累遷長史亮上疏稱羲之清貴有鑒裁遷寧遠將軍江州刺史又曰宋檀道濟為征南大將軍白太祖稱沈慶之忠謹曉兵帝使領隊防東掖門稍得引接出入禁省

納印三十城

脩牆七百里

時獻徵錄曰明廖永忠洪武

兩廣永忠自福州遣人諭何真真以廣循惠降破邵宗愚山寨獲宗愚等諸郡相繼降檄諭九真曰南朱崖僭

耳三十餘城皆納印請吏

又曰明周尚文拜征西將軍鎮守寧夏厯鎮山西延綏俱有戰功鎮大同條上禦

敵四十餘事脩補牆堡七百里墾田五萬

原破赤眉於靖底

習水軍於

三州華嶠後漢書馮異傳曰異為征西大將軍時三輔大亂異討之與赤眉賊會大破於靖底追擊之又

大破行巡上書言狀不敢自伐諸將或欲分其功詔云征西功若丘山也魏志曰王昶字文舒為征南將軍

假節都督荊豫諸軍事乃表徙治新野習水軍於三州

收散卒奮翼黽池將

銳卒虎步江南

後漢書曰馮異字公孫代鄧禹討三輔車駕送之賜以乘輿七尺貝劍詔進征

西大將軍攻赤眉大為所敗步走歸營收其散卒與赤眉期約大戰大破之璽書勞異曰始雖垂翅回谿終能

奮翼黽池可謂失之東隅收之桑榆魏志曰曹休字文烈為征東將軍假黃鉞督張遼等及諸州郡二十餘

軍擊呂範等於洞浦破之拜揚州牧表曰將銳卒虎步江南云云

耿康為征西匈奴

懷信 羊祜為征南江浦馳義

華嶠後漢書曰耿康為征西將軍出西域康鎮

撫單于匈奴與國懷其恩信子為征南大將軍開府辟召儀同三司乃進據險要開建五城收膏腴之地奪吳人之資於是江浦馳義也

張遼持戟先登文帝謂之

邵虎 曹仁披甲破賊三軍皆曰天人

魏志曰張遼字文遠為征東將

軍征孫權遼披甲持戟先登陷陣殺數十人斬二將文帝謂之邵虎又曰曹仁字子孝為征南將軍留屯江

陵拒吳將周瑜瑜將數萬眾來攻募得三百人逆與挑戰遂為所圍仁意氣奮怒披甲上馬將其麾下壯士數十騎出城直前衝入乃得解長史陳矯等初見仁出皆懼及見仁還乃嘆曰將軍真天人也三軍服其勇太祖

益壯之

### 四征將軍三

原年老徵還

魏志曰滿寵字伯寧為征東將軍以年老徵還遷為太尉寵不治產業家無餘財

老疾求還

魏志曰趙儼字伯然都尉遷征西將軍督雍涼以老疾求還

增勇冠

三軍

冊府元龜曰蜀黃忠南陽人先主南定諸郡忠從入蜀嘗先登陷陣勇冠三軍益州定拜討鹵將軍

又擊敗夏侯淵遷征西將軍

勇冠當世

又曰韓茂膂力絕人為征南將軍善於撫衆勇冠當

世為朝廷所稱

### 四鎮將軍一

原杜氏通典曰鎮東將軍

後漢末魏武帝為之

鎮南將軍

後漢末劉表為

之魏張魯晉當陽侯杜元凱並為之

鎮西將軍

後漢劉表為之魏鍾會鄧艾並為之

鎮北將

軍

魏明帝太和中置劉靖許允為之

各一人宋時四鎮與中軍為雜號

後魏加大次尚書令唐無

## 四鎮將軍二

原開邊據險

鑿山通道

魏志曰劉靖遷鎮北將軍假節都督河北諸軍事靖以為

經常之大法莫善於守防使民彞有別遂開拓邊守屯據險要又脩廣戾渠陵大壩水溉灌薊南北三更種稻邊民利之又曰鄧艾字士載為鎮西將軍艾自陰平道行無人之地七百餘里鑿山通道造作橋閣山高谷



深至為艱險艾以壇自裹推轉而下將士皆攀木緣崖魚貫而進先登至成都

深入鹵庭

拓平西夏

又曰鄧艾為鎮西將軍至成都劉禪請降詔曰艾耀威奮武深入鹵庭斬將奪旗梟其鯨

鯢使僭號之主稽首繫頸

又曰鍾會字士季為鎮西

將軍詔曰會所向推弊前無強敵絨制眾城罔羅迸逸

蜀之豪帥面縛歸命謀無遺策舉無廢功凡所降誅動以萬計全勝獨克有征無戰拓平西夏方隅清晏

增繕武牢城

城南皖口

冊府元龜曰晉祖逖為鎮西將軍東討石勒乃營繕武牢

城北臨黃河西接成臯逖使從子汝南太守濟等率

眾築壘又曰陳徐度為鎮北將軍高祖永定三年率

眾城南

告老遜位

上疏固辭

又曰魯芝為鎮東將軍青州刺史芝以年

及懸車告老遜位表章十餘上武帝徵為光祿大夫又曰晉劉宏惠帝時為鎮南將軍都督荊州諸軍事以

平張昌功應封次子一人

擊破孫峻

討滅陳敏

又曰魏諸

葛誕為鎮東大將軍時吳大將軍孫峻等號十萬至壽春誕拒擊破之斬吳左將

又曰晉周馥為鎮東將軍

與周圯等討陳敏滅之

轉付袍帽

唯收圖書

又曰晉劉宏為鎮南將軍荊州

刺史南蠻校尉宏嘗夜起聞城上持更者歎聲甚苦遂呼省之兵年過六十羸疾無襦宏愍之乃責罰主者遂

給韋袍複帽轉以相付

又曰晉應詹為南平太守鎮南將軍督五郡軍事與陶侃破杜弢於長沙賊中金寶

溢目詹一無所取唯

蜀主敕降

魏人退軍

又曰魏鍾會為

鎮西將軍與征西將軍鄧艾同伐蜀蜀主劉禪詣艾降遣使敕姜維等從東道詣會降

又曰南梁始興王憺

為鎮西將軍益州刺史時魏襲巴西圍南安太守垣李珪堅守憺遣軍救之魏人退軍所收器械甚衆

大破魏將

再破蜀軍

又曰蜀魏延隨先主入蜀拜鎮北將軍諸葛亮駐漢中使延西

入羌中魏後將軍費瑤雍州刺史郭淮與延戰於陽谿大破淮等遷為前師征西大將軍

又曰魏鍾會為鎮

西將軍討蜀再破蜀軍蜀將皆退守劍閣會乃移檄蜀將吏士民

摧鋒河朔

救復

秦隴

又曰晉祖逖為鎮西將軍豫州刺史公私豐贍方當摧鋒越河埽清冀朔聞王敦與劉隗等構隙感

激發病又曰赫連達為都將軍從太祖平侯莫陳悅加平東將軍魏孝武入關褒叙勲義以達首迎元帥救

復秦隴進爵魏昌縣伯

何曾見崇重

張黎著聲稱

又曰晉何曾為鎮北

將軍都督河北諸軍事將之鎮文帝使武帝齊王攸辭送數十里曾為賓主脩太牢之饌侍從吏騎莫不醉飽

其見崇重如此又曰張黎為鎮北將軍與樂安王範濟南公崔徽鎮長安清約公平甚著清稱

東

海憚周馥

王敦畏祖逖

又曰晉周馥惠帝時為鎮東將軍馥自經世故每欲維正

朝廷忠情懇至東海王越深憚之又曰晉祖逖為豫州刺史進為鎮西將軍石勒不敢窺兵河南使成臯縣脩逖母墓與逖書求通使交市逖不報書而聽互市收利十倍時王敦久懷逆亂畏逖不敢發

王平

著名跡

黃權有局量

又曰蜀王平為鎮北將軍統漢中時鄧艾在東馬忠在南平在

北境咸著名跡又曰蜀黃權降魏為鎮南將軍文帝察權有局量欲警之遣左右詔權未至之間累催相屬

官屬侍從莫不震悚而權舉止顏色自若

原黃權道隔降魏

許允放散

官物

蜀志曰黃權字公衡為鎮北將軍督江北軍以防魏師先主自在江南及吳將軍陸遜乘流斷圍南

軍敗績先主引退而道隔絕權不得還故率將所領降於魏有司執法白收權妻子先主曰孤負黃權權不負

孤也待之如初魏氏春秋曰許允字士宗為鎮北將軍都督河北諸軍事未發以放散官物叔付廷尉徙樂浪道隴西王秉心誠亮魯鎮東恪勤在公晉起居注武帝

詔曰關中內屏京畿外藩河右北捍戎翟南鎮巴漢宜任懿親以靖西土隴西王素秉心誠亮思度宏遠晉錄曰鎮東將軍魯芝恪勤在公不營私門素無華宅使軍兵作屋五十間曹休為鎮南車

駕臨送鄧艾為鎮西劉禪奉璽魏志曰曹休為鎮南將軍車駕臨送乃下

輿執手而別又云鄧艾至成都劉禪遣使奉皇帝璽綬為箋詣艾請降

## 四安將軍一

原杜氏通典曰安東將軍後漢陶謙曹

安南將軍光武元年

以岑彭為之晉范陽王虓亦為之

安西將軍

後漢末段熲魏鍾會石鑒亦為之

安北將

軍

晉以郝鑒為之

各一人後魏亦有唐無

## 四安將軍二

增識蛇勢

挾獸腰

冊府元龜曰晉桓溫為安西將軍率眾伐蜀初諸葛亮造八陣圖於

魚復平沙之上壘石為八行行相去二丈溫見之謂此常山蛇勢也文武皆莫能識之又曰楊忠為安西將

軍嘗從太祖於龍門忠獨當一猛獸左挾其腰右拔其舌太祖壯之

築圍建業

解圍

仇池

又曰吳徐盛為安東將軍封蕪湖侯魏文帝大出有渡江之志盛建議從建業築圍作薄落圍上設

假樓江上浮船諸將以為無益盛不聽固立之文帝到廣陵望圍愕然彌漫數百里江水盛長便引軍退諸將

乃服擊楊難當克仇池立楊元庶子保熾於是假弼節督隴

右諸軍事既平仇池未幾諸氏復推楊文德為主圍仇池弼發上邽高平沂城諸軍討之仇池圍解文德走漢

川

李崇詐逃

古弼偽退

又曰東北魏李崇孝文帝時為安東將軍徐州降人郭

陸聚黨作逆人多應之崇遣高平人卜龔州詐稱犯罪

逃亡歸於陸陸納之以為謀主數月龔州斬陸送之賊

徒潰敗又曰北魏古弼為安西將軍從太武征赫連

定駕至平涼次於涇南遣弼與侍中張黎擊平涼赫連

定自安定率步騎來救與弼等相遇弼偽退以誘之太

武使高車敕勒馳擊定斬首數千級弼乘勝取安定

撫慰蠻戶

糾合宗鄉

又曰史寧為安東將軍賀拔勝為荊州刺史寧以本官為勝軍

司率步騎一千隨勝之部值荆蠻騷動三鷁路絕寧先驅平之因撫慰蠻戶翕然降附又曰薛拔父謹為安

西將軍真君中蓋吳擾動關右薛永宗屯掾河側太武親討之乃詔拔糾合宗鄉壁於河際斷二寇往來之路

事平日賜爵永康侯

博覽經籍

粗有辭義

又曰晉郝鑒博覽經籍躬耕隴畝以

儒雅著名不應州命後為安西將軍柳惔為安南將軍著仁政博及諸詩賦

又曰南齊每

竭志能

可任大事

又曰晉庾翼為都督江荆等州諸軍事安西將軍代兄亮鎮武昌翼

以年少超居大位每竭智能勞謙匪懈戎征嚴明數年之中軍國充實人情翕然稱其才

又曰北魏王思政

孝武帝時為安東將軍齊神武潛有異圖帝以思正可任大事拜中軍大都督總宿衛兵

桓溫直

進盧淵徐行

又曰晉桓溫為安西將軍率眾伐蜀李勢勢眾大潰溫乘勝直進焚其小城勢

遂夜遁

又曰盧淵為安南將軍時涇州羌叛淵以步騎六千徐行而追未經三旬賊眾逃散降者數萬口唯



梟首惡餘  
悉不問

### 四安將軍三

增為寇所憚

冊府元龜曰奚春少有將略明元時為尚書假安南將軍虎牢鎮將為寇所憚

為鄰所憚

又曰孫陽為都督荆信二府諸軍事安西將軍荆州刺史出鎮公安增脩城池懷服邊遠

為鄰境

索綝有威恩

又曰晉索綝為新平太守時劉聰將蘇鐵等劫掠三輔除綝安

所憚

西將軍馮翊太守綝有威恩華戎嚮服賊不敢犯

古弼著威名

又曰北魏古弼為安西將

軍鎮長安  
甚著威名

周訪為名將

又曰晉周訪為安南將軍梁州刺史訪威風既著遠近悅

服中興名將性謙  
虛未嘗論功伐

鄭模為名將

又曰鄭模為安東將軍時將督敗沒者多

模挫敵持重  
號為名將

### 四平將軍一

原杜氏通典曰平東將軍

晉當陽侯杜元凱王濬等為之

平南將軍

晉盧

欽羊祐胡奮等為之

平西將軍

晉以嵇紹

平北將軍

漢獻以張燕晉以阮坦為之

各

一人並漢魏間置後魏亦有唐無

### 四平將軍二

增移檄赴難

乘傳發兵

冊府元龜曰晉溫嶠為平南將軍江州刺史鎮武昌祖約

蘇峻反嶠自武昌推陶侃為盟主赴難列上書陳約峻罪狀移檄四方征鎮

又曰尉撥為平南將軍北豫州

刺史後雒州民田智度謀逆詔撥乘  
傳發豫州兵擊之獲智度送京師

安都頻克天

助多獲

又曰南陳侯安都為猛烈將軍高祖與齊戰於  
幕府山安都擊齊軍大敗之進號平南將軍仍

督水軍討蕭勃頻戰克以功進號鎮北將軍  
又曰司馬天助為平東將軍破宋將閻萬齡軍前後多所擄獲

綏防蠻楚

懷柔羌戎

又曰北魏田益宗為征鹵將  
軍遣戍主奇道顯擊楊僧遠

軍破之進號平南將軍宣武又詔益宗綏防蠻楚加安  
南將軍又曰北魏陸侯為平西將軍安定鎮大將既

至懷柔羌戎莫不歸

莫不摧挫

預皆畏懾

又曰北魏楊大

附後遷平東將軍

眼為平南將軍大眼自為將帥恒身先兵士衝突堅陣  
當其鋒者莫不摧挫又曰楊大眼為平東將軍至京

師觀者如市大眼為將帥前後  
所遣督將軍未渡江預皆畏懾

銜枚夜襲攻城野

戰

又曰北魏楊椿為平西將軍時涇州屠各陳瞻等聚衆叛詔椿為別將隸安西將軍元麗討之陰簡精卒

銜枚夜襲斬瞻而傳其首又曰羅斤為平西將軍平涼州攻城野戰多有克捷

順流放火

鮮鞍潰圍

又曰吳潘璋為平北將軍襄陽太守魏將夏侯尚等圍南郡分前部作浮橋璋將所

領到魏上流伐葦數百萬束縛作大筏欲順流放火燒敗浮橋尚引退又曰陳周文育高祖破蔡路養於南

野文育為路養所圍矢石雨下所乘馬死文育右手搏戰左手鮮鞍潰圍而出累遷平西將軍

賊不

能進

魏弗敢逼

又曰梁尋陽王大心為江州刺史進號平南將軍侯景叛數遣軍西上寇

抄大心令莊鐵擊破之賊不能進又曰北周蔡祐為平東將軍從太祖戰於河橋祐下馬步鬪手殺數人敵

圓之十餘重祐彎弓持滿四面拒之東魏人弗敢逼

賜細御銀槊

著光明鐵

鎧

又曰北魏奚康生為平西將軍轉涇州刺史時梁直

接賜細御銀纏槊一張并棗奈果面敕曰果者果如朕

心棗者早遂朕意又曰北周蔡祐為平東將軍與齊

神武戰於却山祐時著光明鐵鎧所向無前敵曰此鐵猛獸也皆避之

垣崇祖追奔

又曰權景宣為平西將軍從太祖收宏農破沙苑皆先登陷陣又曰垣崇祖為平

西將軍慮魏寇淮北啓徙下蔡戍於淮東既而魏果欲攻下蔡聞內徙乃揚聲戍平陰故城衆疑之崇祖曰下

蔡去鎮咫尺魏豈敢置戍實欲除此故城恐奔去之不盡耳魏軍果掘下蔡城崇祖自率衆渡淮與戰大敗之

追奔數

乘勝至巴西

率衆鎮北境

又曰北魏邢巒為平西將軍克

梁秦二州乘勝至於巴西開境東西七百南北千里又曰長孫翰為平南將軍率衆鎮北境威名甚著後

為都督北部諸  
軍事平北將軍

### 四平將軍三

增拒寶賁功

冊府元龜曰北魏董紹為平西將軍孝明以紹拒蕭寶賁之功賞新蔡縣開國男

平葛榮功

又曰北魏斛斯椿為平北將軍從爾朱榮平葛榮以功除上黨太守

甚收

聲稱

又曰王斤為平北將軍時并州田卜謀反餘眾不安遣斤鎮虎慮以撫慰之斤綏靜羣醜甚收聲稱

甚有稱績

又曰桓宣為平北將軍鎮襄陽宣久在襄陽綏撫僞寓甚有稱績

招慰

三萬落

又曰北魏源賀為平西將軍太武征涼州遣賀率精銳歷諸部招慰下三萬落

招納

數萬口

又曰樊子鵠為平北將軍永安中以招納叛蜀數萬口進封中都縣開國公

命范

汪為參軍

又曰晉庾亮為平西將軍以范汪博學多通善談名理命為參軍

表樸特

為刺史

又曰裴詢為平南將軍郢州刺史詢以蠻酋田樸特地居要險衆踰數萬足為邊捍遂表樸特

為西郢州刺史

### 鎮軍將軍以下一

原杜氏通典曰鎮軍大將軍魏置文帝以陳羣為之晉則楊駿胡奮並領鎮軍將軍齊後周隋亦有之唐因之冠軍將軍魏置以文欽為之蓋因史記楚義帝以宋義為卿子冠軍漢武帝以霍去病功冠三軍封冠軍侯

之義也晉亦有之金章紫綬給五時朝服武冠佩水蒼

玉歷代並有

隋文帝置翊軍等四十三號將軍品凡十六等為散號將軍以加汎授居官有職務

者為執事官無職務者為散官武官上柱國以下為散秩官將軍為散號官至煬帝時定令罷之

唐因

之增晉書曰元帝加李矩冠軍將軍輅車幢蓋封陽

武縣侯宋書曰檀道濟為冠軍將軍高祖北伐以為

前鋒原雲麾將軍梁置雜號陳及唐並有之忠武

將軍梁置雜號陳有之唐因之壯武將軍梁置雜號

陳有之唐因之宣威將軍唐置明威將軍梁置雜



號後魏亦有之唐因之 定遠將軍梁置雜號唐因之

寧遠將軍晉置唐因之 增晉書曰陶侃為寧遠將

軍勤於吏職 原游騎將軍魏置陳有之唐因之 增

陳書曰周文育累前後功除游騎將軍 原游擊將軍

漢置武帝以蘇建韓說為之後漢鄧晨亦為之魏晉以

來並有之

魏卞蘭有才學為游擊將軍加散騎常侍晉游擊將軍諸葛冲精果有文武才唐因之又

置懷化將軍歸德將軍授蕃官

鎮軍將軍以下二

增以功增邑

抗表辭事

冊府元龜曰魏陳泰為鎮軍將軍假節都督淮北諸軍事

及諸葛誕作亂壽春司馬文王率六軍軍丘頭總直行臺泰前後以功增邑二千六百戶又曰唐張貴為左

領軍大將軍有目疾抗表辭事授鎮軍大將軍

遊讌賦詩

曲躬敬長

又曰南梁

沈約為鎮軍時有彭城人劉孺美風采性通和雖家人不見其喜愠約聞其名引為主簿嘗與遊宴賦詩大為

約所嗟賞又曰南梁曹景宗為鎮軍將軍為人尚勝雖公卿無所推稱唯韋叡年長特相敬重同讌御筵亦

曲躬

陸抗上疏

元謨陳說

又曰吳陸抗為鎮軍大將軍後主拜抗都督信

陵等諸軍事上疏陳時宜十七條又曰南宋王元謨補長沙王義欣鎮軍中兵將軍領汝陰太守時敵攻陷

滑臺元謨陳策文帝謂殷景仁曰聞王元謨陳說使人有封狼居胥意

造門不屑

據

牀不動

又曰蜀宗預為鎮軍大將軍領兖州刺史時都護諸葛瞻初統朝事廖化過預欲與預共詣瞻

所預曰吾等年踰七十

所竊已過何求於年少輩而屑

徒尚書令討湘州賊陸納

賊黨李賢明等突至徑趨僧辯僧辯尚據胡牀不為之動

於是指揮勇敢遂獲賢明

力又曰晉鄧遐為冠軍將軍勇

桓溫征伐襄陽城北沔水中有蛟嘗為人害遐遂拔劍

入水蛟盤繞其足遐揮劍截蛟數段而出又曰北魏

于栗磾為冠軍將軍道武畋於白登山見熊領數子

道武顧謂栗磾曰能搏之乎栗磾曰能尋即擒之

柳惲上牋

稚珪上表

又曰南梁柳惲為冠軍將軍征東司馬時齊東昏未平士猶苦

戰惲上牋陳便宜請城平之日先收圖籍乃遵漢祖寬

大愛民之義高祖從之又曰孔稚珪為冠軍將軍南

陽太守以魏軍連歲南侵征役不息百姓死傷乃上表  
曰匈奴為患自古而然陛下何惜匹馬之驛百金之賂  
數行詔命誘此凶頑使

**柳忱見機**

**尉元密脩**

又曰南齊

柳忱為冠軍將軍時郢州平蕭穎胄議遷夏口忱諫以  
為巴峽未賓不宜輕捨根本搖動民心穎胄不從俄而  
巴東兵至峽口遷都之議乃息論者以為見機又曰  
尉元為冠軍將軍東平太守無鹽戍主申纂詐降元知  
非誠款外示容

**恐成猜迫**

**不即施行**

又曰南齊劉

太守時朝廷以桂陽王休範之事以懷珍為冠軍將軍  
豫章太守懷珍曰休範雖有禍萌安敢便發今者賜使  
恐成猜迫固請不就又曰南齊蕭穎胄為冠軍將軍  
是年敵揚聲當飲馬長江帝懼敕穎胄移居民入城百  
姓驚恐欲南渡穎胄以賊勢  
尚遠不即施行敵亦尋退

**從宴華林**

**表加幢蓋**

又曰晉羅憲仕蜀為巴東太守劉禪降入朝進位冠軍將軍假節從帝宴於華林園詔問蜀大臣子弟後問先輩宜時敘用者憲薦常忌杜軫等數人即皆叙用咸顯於世又曰李矩為梁王彤牙門將伐氐齊萬年有功封東明亭侯後討侯都等滅之太尉荀藩假矩榮陽太守又破石勒衆藩表加矩冠軍將軍劉毅

行邑

敬則開關

又曰晉劉毅為冠軍將軍持節兗州節度使號令嚴整行經壙邑百姓安

悅又曰南齊王敬則為冠軍將軍將軍沈攸之事起太祖入守朝堂袁粲起兵召領軍劉韞等於宮內相應戒嚴將發敬則開關掩襲皆殺之殿內竊發盡平敬則之力也皆令復業不犯秋毫

又曰北魏慕容白曜為征南將軍參軍韓麒麟美姿容善騎射白曜進攻升城師人多傷城潰白曜將坑之麒麟諫從之皆令復業後白曜表麒麟為冠軍將軍又曰南宋沈攸之為冠軍將軍雍州刺史破薛常寶劉胡

於諸圻濃湖賊軍委棄珍貨諸軍各競收斂  
惟攸之約勒所部不犯秋毫諸軍以此多之

常為前

鋒所至獨克

又曰南陳程文季隨都督吳明徹圍壽陽每戰常為前鋒齊人憚之以功除明

威將軍

又曰張興世為遊擊將軍北伐次下邳號令嚴明所至獨克

陶侃運甓子

隆偃甲

又曰晉陶侃為寧遠將軍荊州刺史在州無事朝運百甓於齋外暮運於齋內人問其故曰吾

方致力中原過爾優逸恐不堪事其勵志勤力皆此類也又曰陸子隆為明威將軍時周迪據臨川反東昌

縣人脩行師率兵以攻子隆子隆設伏於外仍閉門偃甲示之以弱及行師至腹背擊之行師大敗

各

據一營止失一舸

又曰陸子隆為明威將軍廬陵太守周迪引陳寶應復出臨川子隆

隨都督章昭達討迪又隨踰東興嶺討寶應拒官軍子隆與昭達各據一營昭達戰失利亡其鼓角子隆

救之大破賊衆盡獲昭達所亡羽儀甲仗 又曰南宋垣護之為宣威將軍隨王元謨攻滑臺護之百舸為前鋒進據石濟魏軍救至元謨敗退魏軍悉牽元謨水軍大艦連以鐵鑠斷河欲絕護之還路護之每至鐵鑠以長柯斧斷之止失

朱伺殺大帥

馬隆募勇士 晉書

一舸餘舸並全 射賊大帥數人皆殺之 又曰馬隆為司馬督會梁州

刺史楊欣敗沒武帝憂之陰募勇士西渡溫水詔隆假節宣威將軍隆到武威國大人猝拔韓且萬能等率萬

餘落歸降 涼州遂平 韋放處分士卒 孫謙布化蠻獠 冊府元

放為明威將軍會領軍曹仲宗攻渦陽魏大將軍費穆率衆奄至放麾下止有二百餘人放免胄下馬據胡牀

處分士卒皆殊死戰莫不以一當百 梁書曰孫謙為明威將軍已東建平二郡太守郡居三峽常以威力鎮

之謙至郡布恩惠  
之化蠻獠懷之

### 鎮軍將軍以下三

增精銳八千

晉書曰謝玄為冠軍將軍領徐州刺史苻堅自率兵號百萬詔元為前鋒都督拒之

衆凡八萬元與桓伊等以精銳八千涉淮水堅衆奔潰死者不可勝計

勇敢千人

冊府元龜

曰李矩為冠軍將軍領河東平陽太守劉聰遣從弟暢攻矩矩軍夜襲之勇敢千人夜掩暢營暢僅以身免

恃吾勝之

三國志曰吳丁奉為冠軍將軍將軍魏遣諸葛誕等攻東吳太傅諸葛恪率軍拒之諸將

曰敵聞太傅自來上岸必遁走奉獨曰不然彼動其境內悉許雖兵大舉而來必有成規豈虛還哉無恃敵之不至恃吾有以勝之

宜並存之

魏書曰袁翻孝明時為冠軍將軍涼州刺史會蠕蠕主阿那瓌



後主婆羅門並以國亂來降朝廷問讞安置之所讞表  
謂孺孺二主並宜存之居阿那瓌於東偏處婆羅門於  
西裔朝  
議是之  
先鋒陷陣冊府元龜曰辛威為寧遠將軍從太祖擒竇泰等並先鋒陷陣勇冠

一  
時  
先登陷陣魏書曰荀顏為中散從太武南征為前鋒每先登陷陣帝至江加寧遠將軍

督錢塘軍事

宋書曰沈攸之及文季叔殺攸之宗族塘軍事沈攸之及文季叔殺攸之宗族

太祖加文季持節進號  
鎮軍將軍西豐縣侯

督青冀軍事

冊府元龜曰張沖為冠軍將軍

都督青冀二州北討諸軍事東昏時魏軍攻司州冲軍  
主杜僧護力戰大破之遷廬陵王北中郎將司馬加冠

軍將

領寧蠻校尉

宋書曰沈攸之為冠軍將軍領寧蠻校尉雍州刺史又進平尋陽徙

監郢州諸軍事前將軍郢  
州刺史持節如故不拜

領驍騎將軍

齊書曰柳悅者悵之弟也

和帝時為冠軍將軍南平太守從高祖平郢州高祖踐阼以悅為五兵尚書領驍騎將軍

兼黃門

侍郎

冊府元龜曰楊侃為鎮軍將軍度支尚書兼給事黃門侍郎又破元顥子領軍將軍冠軍受擒之顥南

走車駕入都侃

加寧遠將軍

又曰檀韶字令孫行參高祖建武將軍事都邑

既平為鎮軍將軍加

任樂藹以經略

齊書曰蕭穎胄為和帝相國左

寧遠將軍東海太守

長史號鎮軍將軍義師起穎胄引樂藹及宗史劉坦任以經略

命陽固為節度

魏書曰李

平孝明時以鎮軍大將軍為行臺拒梁師於硤石詔陽固為行臺七兵郎中平奇固勇敢命節度水軍固設奇計獲其外城

# 鎮軍將軍以下四

增碑唐戴少年鎮軍大將軍王榮神道碑曰將軍姓王氏諱榮太原人也高門有嗣美玉無瑕總角精乎兩經弱冠窮乎七略文武不墜剛柔得中肅宗皇帝美公先父有勤勞於國有訓導於家爰自妙年授公右龍武軍司戈累拜御史中丞尋加鎮軍大將軍殊常之澤并集公門雖承湛露之恩不易履冰之戒前後倫類莫之與京於是書芳躅於武經寫丹青於麟閣佩玉腰金朱門綵戟昔馬援有伏波之號班超揚定遠之名雖門望同

途終華裔別實豈若登壇柱國授鉞中朝畫列彤庭暮  
嚴清禁渙汗之重孰云比肩 張說冠軍大將軍郭知

運神道碑曰公諱知運字逢時秉太白之精雷泉之霧  
猿臂虎口虬鬚鶚瞬射穿九札劒敵萬人子卿路逢遙  
識將軍之相唐舉一見足辨封侯之骨入奉期門出寄  
分閫執憲總軍典屬乘障增爵益邑遇厚恩深俄而六  
州羣寇相率大叛命公統隴右之騎濟河曲之兵鋒鏑  
爭先玉石俱碎拜左武衛大將軍班師臨洮溝茲虐疾

嗟乎匈奴未滅宿志不申生也有涯死而猶視

御定淵鑑類函卷一百三